

F 2746/2 114760

საქართველოს კავშირის სახელმწიფო სოციალდემოკრატიული მუშათა პარტიისა.

პროლეტარებო ყველა ქვეყნისა, შეერთდით!

პროლეტარიატის ბრძოლა

საქართველოს კავშირის ორგანო რ. ს.-დ. მ. ზ.

№ 10.

15 (28) ივლისი 1905 წ.

№ 10.

სოციალდემოკრატიული პარტიის დემოკრატიული მიზანი.

სოციალდემოკრატიის, რომელიც მუშათა მოძრაობის შეგნებული გამომხატველია, თავის მიზანთა დაუსახავს ყველა მშრომელთა დახსნა ყოველივე ტანჯვისა და ექსპლუატაციისაგან. ამ მიზნის განხორციელება, წარმოების საშუალებათა საზოგადო კუთვნილებათ გადაქმნა და სოციალისტური საზოგადოების დამყარება — საწარმოო ძალთა ერთობ დიდ განვითარებას და მუშათა კლასის მჭიდროდ შეკავშირებას და იურყველათ შეერთებას მოითხოვს: საწარმოო ძალთა განვითარება თანამედროვე ბურჟუაზიულ საზოგადოებაში, ფართო. აშკარა კლასობრივი ბრძოლა, პოლიტიკური განვითარება, პროლეტარიატის მასის აღზრდა და შეკავშირება — ყველა ეს წარმოუდგენელია, თუ რომ პოლიტიკური თავისუფლება არ განხორციელდება. სწორედ ამ მოსაზრებით ხელმძღვანელობს შეგნებული პროლეტარიატი, როდესაც თავის უახლოეს მიზანთა სრულ პოლიტიკურ თავისუფლებისათვის ბრძოლას და დემოკრატიულ რევოლუციას ისახავს.

მართო პროლეტარიატი როდის ემსახურება ამ ნაირ მიზანს. პოლიტიკური თავისუფლება ბურჟუაზიასაც სჭირია. შეძლებულ კლასთა განადგურებულმა წარმოადგენლებმა დიდი ხანია ააფრიალეს თავისუფლების დროშა; რევოლუციონური ინტელიგენცია, რომლის უმრავლესობა ზემოხსენებულ კლასთა ღვიძლი შვილია, გმირული თავგანწირულებით იბრძოდა თავისუფლებისათვის. მარა მთელ ბურჟუაზიას, საერთოდ, როდის შეუძლია თვითმპყრობელობასთან მტკიცედ შებრძოლება. ამ ბრძოლაში მას დიდად აფაქრებს და აშინებს თავის საკუთარების დაკარგვა, რომელიც აკავშირებს მას თანამედროვე საზოგადოებასთან. მუშების მეტათ რევოლუციონური მოქმედება ძალიან აფრთხილებს მას. რადგან იცის, რომ მუშები არასოდეს არ შეტყობდებიან დემოკრატიულ რევოლუციასზე და მუდამ სოციალისტურ წყობილების დასამყარებლათ იბრძოლებენ. მას ეშინია ჩინოვნიკობასთან კავშირის შეწყვეტისა, ვერ გაუბედვს ბიუროკრატიის მომღერებს და მას წინააღმდეგ ამხედრება რადგან შეძლებულ კლასთა და ბიუროკრატიის ინტერესები

მჭიდროდ არის ერთმანეთზე გადაბმული. ამიტომ ბურჟუაზიის ბრძოლას მუდამ ემჩნევა სიმბაღე, გაუბედობა და სანახევროთ მოქმედება. პროლეტარიატის ერთი მოვალეობათაგანია ჩაითრიოს ხოლმე ბურჟუაზია რევოლუციონურ ბრძოლაში, სრული დემოკრატიული განახლების ლოზუნგები გამოაცხადოს ხალხის წინაშე და თამამათ შეუდგეს ამ ლოზუნგთა განხორციელების საქმეს; ერთი სიტყვით, ხალხის თავისუფლებისათვის ბრძოლაში პროლეტარიატმა ავანგარდის, მოწინავე რაზმის ალაგი უნდა დაიჭიროს.

რუსეთის სოციალდემოკრატებს არა ერთხელ ჰქონიათ ბრძოლა ბურჟუაზიულ-ლიბერალიზმთან. მაგალითისათვის გავიხსენოთ, როგორ დაიწყო თავისი მოღვაწეობა ცენზორისაგან ახლათ განთავისუფლებულმა სტრუვემ, როგორი ბრძოლა ამჯობინა რუსეთის „განთავისუფლებისათვის“? ამ თავისუფალ მოღვაწეობას ის ეიტტეს „ზაპისკების“ წინასიტყვაობით შეუდგა, სადაც მან არც აცხვია, არც აცხელა და ზედ-გამოჭრილი „შპოვისებური“ ლოზუნგი გამოაცხადა: „უფლებები და ძლიერი ეროზო“?! სოციალდემოკრატია ამტკიცებდა, თუ რამდენათ ჩამოჩენილი, უგუნური და რეაქციონური იყო ეს ლოზუნგი; იგი მოითხოვდა გარკვეულს და სრულ დემოკრატიულ პროგრამას და თითონ სწორედ ასეთ პროგრამას აცხადებდა, რადგან ასეთი პროგრამა მის პარტიულ პროგრამის ნაწილი იყო. სოციალდემოკრატია ებრძოდა იმათ, ვინც პარტიაში იყო და ვიწროთ ესმოდა ეს პროგრამა; ე. ი. ეგრედ წოდებულ „ეკონომისტებს“, რომელნიც ამცირებდნენ ზემოხსენებულ მიზნის მნიშვნელობას, „ხაზინებთან და მთავრობასთან“ ეკონომიურ ბრძოლას ქადაგებდნენ, ჯერ უფლებების მოპოვება უნდოდათ, შემდეგ პოლიტიკური აგიტაციის დაწყება და ბრძოლა ჩინ და-თან (სტადიების თეორია) პოლიტიკურ ბრძოლაზე გადასვლა.

ახლა პოლიტიკურმა ბრძოლამ ფართოდ გაიშალა, რევოლუცია ცეცხლივით მოედო მთელ სსსრ-ს. ყველა მდარე ლიბერალიზმი და „ეკონომისტური“ შეტყენა, და შეიძლება ვინმე იტყუროს, რომ იმ ახლი წარბულის მოგონება, რომელიც ზევით მოვიყვანეთ, ახლანდელ აბობრქვებულ და მდღევანე აწყობასთან არაფერ შუაშია. მაგრამ ეს

საქართველოს კავშირის
ბრძოლა

46345
F 14760
540

მხოლოდ პირველათ შეიძლება იფიქროს ვინმემ. რასაკვირველია, ისეთი ლოზუნგები, როგორიცაა დამფუძნებელი კრება საყოველთაო, პირდაპირი, ფარული და ანანაწორი არჩევნების უფლება, (ეს ლოზუნგები დიდი ხანია ყველაზე უწინ სოც.-დემ. გამოაცხადა თავის პროგრამაში), ძალიან გავრცელდა, არალეგალურმა „ოსვობოჟდენიემატ“ მიიღო, „განთავისუფლების კავშირის“ პროგრამაშიც გამოცხადდა, „ზემცები“ „ლოზუნგებთა“ შეიქმნა და ლეგალური ლიტერატურაც არა ერთხელ და ორხელ აღიპარაკებულა მათ შესახებ. ამ ბოლო დროს აშკარა შეიქნა, რომ რუსეთის ბურჟუაზიული დემოკრატია ძალიან წინ წავიდა. ბურჟუაზია მოქმედობს ცხოვრების მსვლელობის მიხედვით, თავს ანებებს „პრიმიტიულ“ ლოზუნგებს (მაგ. შობის ლოზუნგი: უფლებები და ძლიერი ერობა) და ასე აკინკილით მისდევს კულში რევოლუციას. მარა საქმეც ის არის რომ ბურჟუაზია მხოლოდ მისჩანალებს რევოლუციას კულში. ბურჟუაზიის ჩვეულებრივი წინააღმდეგობა, რომელიც სიტყვასა და საქმეს შორის სუფევდა, ადგილს უთმობს ახალ წინააღმდეგობას, რადგან რევოლუციის ზრდა თან-და-თან უფრო და უფრო მეტს მოითხოვს დემოკრატიისაგან. ბურჟუაზიული დემოკრატია-კი, თუმცა უმატებს, ძლიერებს თავის ლოზუნგებს, მარა თითონ მუდამ უკან რჩება ცხოვრებას, ვეღარ სწვდება თავის ლოზუნგთა სიძლიერეს, ვეღარ უძლებს რევოლუციის ნამდვილ ბრძოლას, ნამდვილი თავისუფლების მოპოვებისათვის.

აიღეთ ეს ყველას მიერ მოწონებული და გაზეპირებული ლოზუნგი, დამფუძნებელი კრება, — საყოველთაო, თანასწორი, ფარული და პირდაპირი არჩევნების უფლებით. დააკმაყოფილებს ეს ლოზუნგი ნამდვილ დემოკრატიზმს? შეეფერება ის ეხლანდელ რევოლუციონურ მომენტს? ორივე ამ საკითხს ერთი და იგივე პასუხი მოსდევს: არა. აიღეთ ჩვენი პარტიის პროგრამა, გადახედეთ გულ-დასმით და თქვენ დარწმუნდებით ამაში. ჩვენ პროგრამაშიც არის მოყვანილი დემოკრატიულ მოთხოვნათა სათავეში საყოველთაო (всеобщий) დამფუძნებელი კრება. მარა ეს ლოზუნგი ჩვენს პროგრამაში ობლათ როდია გამოცხადებული; ამ ლოზუნგთან ერთად მოყვანილია ისეთი განმარტებანი და დამატებანი, რომელთა წყალობით სრულიად ირკვევა საკითხი და რაც უნდა მდარე დემოკრატია იყოს კაცი, თავისებურათ მაინც ვერ ახსნის ჩვენ ლოზუნგს. ეს ლოზუნგი ჩვენ პროგრამაში მოყვანილია შემდეგ ლოზუნგებთან ერთად: 1) მეფის თვითმპყრობელობის დამხობა. 2) თვითმპყრობელობის მაგიერ დემოკრატიული რესპუბლიკის დაარსება. 3) დემოკრატიულ კონსტიტუციის მიერ უზრუნველ ყოფილი ხალხის თვითმპყრობელობა, ე. ი. სახელმწიფოს მთელი უმთავრესი ძალის ხალხის წარმომადგენელთაგან შემდგარ კანონმდებელ კრების ხელში მოქცევა იმ პირობით, რომ ეს კრება ერთ პალატას შეადგენდეს. ჯანა საექვოა, რომ ამ ლოზუნგთა მიღება ყოველ ნამდვილი დემოკრატიისთვის საჭიროა? თვით სიტყვა „დემოკრატის“ გრამატიკული და პოლიტიკური მნიშვნელობაც ერთი და იგივეა: „დემოკრატ“ ნიშნავს

ხალხის თვითმპყრობელობის მომხრეს. მაშასადამე, სასაცილო იქნებოდა დემოკრატიზმზე ლაპარაკი და ამასთანავე რომელიმე ამ ლოზუნგთაგანის უარყოფა. მარა ბურჟუაზიის ძირითადი წინააღმდეგობა, რომელიც გამოიხატება იმაში რომ მას, ერთი მხრით, კერძო საკუთრების შენარჩუნება უნდა და მეორე მხრით, თავისუფლების მოპოვებას ლამობს, ეს ძირითადი წინააღმდეგობა ისეთი ღრმია, რომ ლიბერალური ბურჟუაზიის წარმომადგენელი ძალა-უნებურათ ვარდება ამ ნაირ სასაცილო მდგომარეობაში. როგორც ყველამ უწყის რუსეთში გასაშტერებელ სისწრაფით იფურჩქნება ფართო ლიბერალური პარტია, რომელსაც ეკუთნის განთავისუფლების კავშირი, ბევრისაგან ბევრი „ზემცები“ და ისეთი გაზეთები, როგორიცაა „ნაშა ჟიზნი“, „ნაშა დნი“, „სინ ოტჩესტვა“, „რუსკია ვედომოსტი“ და სხვა ამგვარი. ამ ლიბერალურ-ბურჟუაზიულ პარტიას ძლიერ ასიამოვნებს, როცა მას „კონსტიტუციონალურ-დემოკრატიულ პარტიას უწოდებენ. ნამდვილათ-კი, როგორც „ოსვობოჟდენის“ პროგრამიდან სჩანს, ეს პარტია — მონარქიული პარტიაა: მას სრულიად არ უნდა რესპუბლიკა; ის არ არის ერთი პალატის მომხრე და ზემო პალატის არჩევნებისათვის მას უნდა შემოიღოს არა პირდაპირი და ფაქტიურათ არა საყოველთაო კენჭის ყრა (денеж по общедоступности). მას სრულიად არ უნდა, რომ სახელმწიფოს მართვა-გამგეობის საქმე ხალხს გადაეცეს (თუმცა სხვის საჩვენებლათ მას ძალიან უყვარს სახელმწიფო ძალის ხალხის ხელში გადასვლაზე ლაპარაკი). მას არ უნდა თვითმპყრობელობა; დამხობა, მას უნდა მხოლოდ გაუყოს მართვა-გამგეობა: 1) მონარქიას, 2) ზემო პალატას, (სადაც უმრავლესობა მემამულეები და კაპიტალისტები იქნებიან) და 3) ქვემო პალატას; ამ სამში მხოლოდ ქვემო პალატა ნამდვილ დემოკრატიულ საფუძველზე იგებულა.

ამგვარათ, ახლა ჩვენთვის ცხადია ის ფაქტი, რომ ჩვენი დემოკრატიული ბურჟუაზიის ყველაზე უფრო მოწინავე, განათლებული და კაპიტალისაგან ყველაზე ნაკლებ დამოკიდებული წარმომადგენლებიც-კი რევოლუციას კულში მისჩანალებენ. ამ დემოკრატიულ პარტიას ეშინია ხალხის თვითმპყრობელობის. ის თუმცა იმეორებს ჩვენს ლოზუნგს საყოველთაო დამფუძნებელ კრების შესახებ, მარა ნამდვილათ სრულიად ამხინჯებს ამ ლოზუნგის აზრს და შინაარსს. ამ ლოზუნგის ხმარებით, ანუ უფრო სწორეთ რომ ვთქვათ — ამ ლოზუნგის ბოროტათ ხმარებით ის თვალს უხევს, ატყუილებს ხალხს.

რა არის საყოველთაო დამფუძნებელი კრება? ეს ისეთი კრებაა, რომელიც, მართლაც, რომ ხალხის ნებას გამოხატავს. ამისათვის საჭიროა საყოველთაო და სხვ. არჩევნების უფლება და არჩევნების მოსამზადებელ წინასწარ აგიტაციის თავისუფლების უზრუნველ ყოფა. ეს ისეთი კრებაა, რომელსაც, მართლაც, რომ აქვს ძალა და შეიძლება „დააფუძნოს“ სახელმწიფოში ისეთი წყობილება, რომელიც უზრუნველ ხდიდეს ხალხის თვითმპყრობელობას. სრულიად აშკარაა, რომ ამ ორ პირობათა გარეშე კრება ვერ იქნება ვერც სავსებით საყოველთაო, ვერც

აი ამ ვითომდა საზოგადო მეურნეობის წარსართავად, რომელსაც მხოლოდ სახელი ერქვა „საზოგადო“, განაპირა მხარეების მცხოვრებნი უნიჭოდ იცნეს. მათის აზრით, განაპირა მხარენი ჯერ ვერ მომწიფებულები იმდენათ! ამგვარ მხარეთა რიცხში პირველი ადგილი კავკასიას ეკუთვნის.

ასე იყო მაშინ!... ახლა-კი?!. ახლა-კი კავკასია (ან ზოგიერთი მისი ნაწილი მაინც) „სრულიად მომწიფდა საერო მურნეობის შემოღებისათვის (თითქმის!) იმ სახით, როგორც დანარჩენ რუსეთში იქნება დაწესებულიო“! რით აიხსნება, რომ მთავრობამ ასე ახირებული შესცვალა თავისი შეხედულება? რატომ ის, რაც რამდენსამე წლის წინათ შეუძლებლად იყო ცნობილი, ეხლა არამც თუ შესაძლებლად მიიჩნიათ, არამედ თითქმის დაუყოვნებლივ ასასრულებლათ. ამ კითხვაზე პასუხის მიცემა ძნელი არ არის. რამდენიმე წლის წინათ მთავრობას მაგრად ედგა ფეხი. რევოლუციისაზე, თვითმპყრობელობის დანგრევაზე მაშინ შეიძლებოდა ლაპარაკი, მარა, მხოლოდ, როგორც მომავალ შიშველ ამბავზე. რევოლუციონური მოძრაობა მხოლოდ თან-და-თან ძირს უთხრდა „მეფობას“ და, დაბოლოს, კიდევ მიიყვანა ის იმ გაკოტრებამდე, რომელიც, ვითარცა ავი სული, იაპონიისთან ომის დაწყებისათვის, რომანოვების გვარეულობის ოჯახს წინ დაუდგა... თვითმპყრობელობისათვის ეხლა აუცილებლად საჭიროა—გაიმგროს პოზიცია არამც თუ ცენტრში, არამედ განაპირა მხარეებშიც, სადაც მან თავისი მხედური ცარცვა-გლეჯის პოლიტიკით სრულიად გამოიცილა. ფეხ-ქვეშ ნიადაგი. მისთვის აუცილებელია — შეაჩეროს რევოლუციის ნიაღვარი, რომელიც მას საძირკვლების გამოცლას ემუქრება, — და ბურჟუაზიის ძალთა შემწეობით თვისი პოზიცია შეიარჩინოს.

აი კიდევ იმიტომ შემოაქვთ ერობა კავკასიაში, — რომ მით მთავრობამ ბურჟუაზიის სიმპატია მოიპოვოს. მეფის მოადგილემაიც არ დაიშურა თავისი ძალისხმევით, რომ მის-მიერ განზრახულ რევოლუციისათვის საჭირო ელფერი მიეცა. უწინარეს ყოვლისა უნდა დაარსდეს სამაზრო და საგუბერნიო საბჭო, სადაც მცხოვრებთ შეეძლოთ თავიანთი აზრი რევოლუციის შესახებ წარმოთქვან. თუ რაგვარი აზრი იქნება ეს, — აშკარაა იქიდანაც, რომ იმ ადგილებში, სადაც გლეხ-კაცობამ მეტი შეგნება გამოიჩინა, მისი რიცხვი ნაკლებია მაქსიმუმობელთა და ბურჟუაზიის წარმომადგენლებზე. ეს ასე უნდა იყოს იმიტომ, რომ, როგორც უსირცხვილოთ შენიშნა მეფის მოადგილის საბჭოს წინასწარ გამართულ რჩევაზე კავკასიის პოლიციის შეფმა შიჩინკინმა, — „რომ საბჭოებში კერძო მემამულეთა წარმომადგენლობა არ შესუსტდესო“, მარა ეს კიდევ ცოტა! სამაზრო საბჭო ხომ პირველი საფეხურია. მას საგუბერნიო საბჭო მოყვება, სადაც, რასაკვირველია, არავითარი „ამბოხება“ ვერ შებრძანდება; ეს კი ხომ თვითმპყრობელობისათვის მოსაწონ უქვეშევრდომილეს გარდაწყვეტილებას მიიღებს, რომ კავკასიისათვის აუცილებელია დაუყოვნებლივ ერობის შემოღება. თუ ყოველსავე ამას ჩვენ დავსძენთ იმასაც, რომ მცხოვრებთა აუარებელი ნაწილი, სახელადობრ მუშათა კლასი უფლებას მოკლებულია, — მი-

იღოს მონაწილეობა საბჭოში, — მაშინ ჩვენ წინ სავსებით გაღიშება სურათი იმისა, თუ, ამ ახალი პროექტით, რაგვართ მოხდება მცხოვრებთა აზრის გაგება. აი, ამგვართ სურს თვითმპყრობელობას გაიგოს საზოგადო აზრი! რაგვარი აზრი იქნება ეს, — ამის წინდაწინ მიხედვრა ძნელი არ არის.

რევოლუციონურმა პროლეტარიატმა კარგა ხანია რაც შეიგნა მეფის თვითმპყრობელობის საზოგადო პოლიტიკა! ის არ დააყოვნებს ღირსეულათ დააფასოს ეს ახალი ნაბიჯი თვითმპყრობელობისა — გარყვნას (პოლიტიკურათ, რასაკვირველია) ხალხის უმრავლესობა და მისი ყურადღება რევოლუციონურ ბრძოლას მოაშოროს.

ჩვენ ვემყარებით-რა პარტიის მესამე კრების გარდაწყვეტილებას, ვურჩევთ ყველა პარტიულ ორგანიზაციებს:

ა). გამოაშკარავონ რეპუტაციონური მიზანი მთავრობის დათმობათა და — პროპაგანდასა და აგიტაციის მიუქციონ ყურადღება, ერთი მხრივ, იმას, რომ ყოველივე დათმობა მთავრობისა ძალდატანებითია, და, მეორე მხრივ, იმას, რომ თვითმპყრობელობისათვის ყოველად შეუძლებელია შემოიღოს ისეთი რეფორმები, რომელიც პროლეტარიატს დააკმაყოფილებს;

ბ). ისარგებლონ არჩევნების წინა დროით და აგიტაციაში აუხსნან მუშებს (და გლეხ-კაცობას, — პროლ. ბრძ. რედ.) მთავრობის ამგვარი ზომების აზრი და დაუმტკიცონ პროლეტარიატს (და გლეხ-კაცობას, — პროლ. ბრძოლ. რედ.), რომ მათთვის აუცილებელია რევოლუციონური გზით დამფუძნებელი კრების მოწვევა საყოველთაო, თანასწორი, პირდაპირი და ფარული კენჭის ყრით. საარჩევნო უფლების შემწეობით... და სხ.).

და გ) ფართე აგიტაციით დაარწმუნონ გლეხ-კაცობა, რომ სოფლის ყრილობებმა ბოიკოტი გამოუცხადონ სიცრუე-სიყალბის პოლიტიკას თვითმპყრობელ მეფის მოადგილისა კავკასიაში და არ გაუგზავნონ თავიანთი წარმომადგენლები საბჭოში.

შეიარაღებული აჯანყება და ჩვენი ტაქტიკა.

რევოლუციონურმა მოძრაობამ „დღეს უკვე აუცილებელი გახდა შეიარაღებული აჯანყება“ — ეს აზრი ჩვენი პარტიის მესამე კრების-მიერ გამოთქმული თანდათან მართლდება. რევოლუციის ალი უფრო და უფრო ძლიერდება, — და ხან აქ, ხან იქ ადგილობრივ აჯანყებას იწვევს, ლოძში სამი დღე ბარიკადები და ქუჩებზე ბრძოლა, ივანოვო-ვოზნესენსკში ბევრი ათი-ათასი მუშების გაფიცვები აუცილებელი სისხლის ღირით ჯართან შეტაკების დროს, ოდესაში აჯანყება, შავი ზღვის ფლოტისა და ლიბავის ფლოტის მოსამხაზურეთა „ბუნტი“, ტფილისის ერთ „კვირა“ — ყოველივე ეს მრისხანე წინასწარი ნიშნებია მოახლოებული ჭეჭა-ჭუხილისა. ის მოდის, შეუჩერებელი მოდის, და დღეს იქნება თუ ხვალ გადმოხეთქს რუსეთზე ყოველად ძლიერ გამწმენდ ნიაღვრათ, რომელიც ყოველივე დამცემელს, —

*) ნახე „ცნობა“, — რევოლუცია იმის შესახებ, თუ როგორ უნდა ვიმოქმედოთ აჯანყების წინა დროს მთავრობის ტაქტიკის წინააღმდეგ.

მომავალს წაღევას, რუსეთის ხალხს მისს მრავალ-საუკუნეების სირცხვილს, — თვითმპყრობელობათ წოდებულს — მოსწმენდს. მეფობის უკანას-კნელი სულთ-მობრძაობა სხვა-და-სხვა რეპრესიების გაძლიერებით, ნახევარი სახელმწიფოს სამხედრო მდგომარეობაში გამოცხადებით, სახრზომელების დახ-შირებით და, ამასთანავე ერთად მაცდური სიტყვე-ბი ლიბერალებისადმი და ცრუ აღთქმანი რეფორ-მების შემოღებისა — მას ისტორიულ ბედისწერისა-გან ვერ იხსნის: თვითმპყრობელობის დღენი დათვლილია, ქეჩა-ქუხილი აუცილებელია, ახალი წეს-წყობილება უკვე შემოდის, შემოდის და წინ უძღვის მას საღამო მთელი ხალხისა, რომელიც მისგან განახლებასა და აღდგომას მოელის.

რა ახალ საკითხს უყენებს წინ ჩვენს პარტიას ეს მოახლოვებული ქეჩა-ქუხილი? რაგვართ უნდა შე-ვუფეროთ ჩვენი ორგანიზაცია და ტაქტიკა ცხოვ-რების ახალ მოთხოვნილებათ, რომ უფრო მეტი აქტიური და შეერთებული მონაწილეობა მივიღოთ აჯანყებაში, რომელიც ერთად-ერთი აუცილებელი დასაწყისია რევოლუციისა? რომ შეთაურობა გაუწიოთ აჯანყებას, ჩვენ, როგორც მოწინავე რაზმმა იმ კლასისა, რომელიც არამც თუ მხოლოდ მოწინავეა, არამედ რევოლუციის მთავარი მომ-ქმედია. სპეციალური იარაღით (аппаратами) უნდა აღვიჭურვოთ, თუ აწ არსებული პარტიის მექანიზმი უკვე საკმაოა?

რამდენიმე თვეა, რაც ეს ჭიფიჭი პარტიის წინ დგას და დაუყოვნებლივ გადაწყვეტას თხოულობს. იმ კაცებისათვის, ვინც „სტიქიის“ წინაშე მუხლს იღრეს, ვინც პარტიის მიზანს ცხოვრების თანდათან უბრალო მიყოლამდე აქეითებს, უკან მისჩანჩალებს და არა მის წინ დგას, როგორც ეს შეგნებულ მო-წინავე რაზმს შეფერის, — ეს კითხვები არ არსებობს. ისინი ამბობენ: აჯანყება სტიქიურია, მისი მოწყო-ბა-მომზადება შეუძლებელია; ყოველივე წინდაწინ შემუშავებული გეგმა (პლანი) მოქმედებისა უტო-პიაა (ოცნებაა) (ისინი ხომ ყოველგვარი „პლანის“ წინააღმდეგნი არიან, — აქ ხომ „შეგნებაა“, და არა „სტიქიური მოვლენა“!) ტყუილ უბრალოთ ძალ-ღონის დაკარგვა; ცხოვრებას თავისი გამოუცნო-ბელი გზა-კვალი აქვს, ყველა ჩვენ პროექტებს ეს გააქარწყლებს. ამიტომ ჩვენ უნდა დავკმაყოფილ-დეთ პროპაგანდითა და აგიტაციით აჯანყების იდე-ისა, მასის „თვითშეიარაღების“ იდეისა; ჩვენ მხო-ლოდ „პოლიტიკური ხელმძღვანელობა“ გავსწიოთ და „ტენიკურათ“ — კი აჯანყებულ ხალხს ხელმძღვ-ანელობა იმან გაუწიოს, ვისაც უნდა.

მარა, აქ „კულა-ძუა პოლიტიკის მიმდევართ“ მო-წინააღმდეგენი უპასუხებენ: ამგვარ ხელმძღვანელო-ბას ჩვენ ხომ მუდამ ვსწევდით აქამდე! განა თა-ვის-თავათ ცხადი არ არის რომ აუცილებლათ სა-ჭიროა ფართე აგიტაცია და პროპაგანდა, პროლე-ტარიატის პოლიტიკურათ ხელმძღვანელობა. აქ ასე-თი ზოგადი მოსაზრებით დაკმაყოფილება ნიშნავს ან იმას, რომ ჩვენ ცხოვრების-მერ პირდაპირ დას-მულ კითხვაზე პასუხს გავუბრუნებთ, ან და სრულ უნიჭობას ვიჩენთ იმაში, რომ საშინელ სისწრაფით მოზარდ რევოლუციონერ ბრძოლის მოთხოვნი-ლებათ შევეუგუოთ ჩვენი ტაქტიკა. რასაკვირველია,

ჩვენ ახლა უნდა გავაათკეცოთ პოლიტიკური აგი-ტაცია, უნდა ვეცადოთ ჩვენს გავლენას დაუმო-ჩილოთ არამც თუ პროლეტარიტი, არამედ „ხალ-ხის“ ის მრავალი ნაწილები, რომელნიც რევოლი-უციას თანდათან ემხრობიან; ჩვენ უნდა ვეცადოთ მცხოვრებთა ყველა კლასებში აჯანყების აუცილე-ბლობის იდეის სახელი მოუპოვოთ; მარა ჩვენ უნ-და გავაკეთოთ არამც თუ ეს ერთი მარტო! რომ პროლეტარიტმა თავისი კლასობრივი ბრძოლის მიზნის მისაღწევათ მომავალი რევოლუციით ისარ-გებლოს, რომ ისეთი დემოკრატიული წეს-წყობი-ლება დაფუძნდეს, რომელიც შემდეგ ბრძოლას სო-ციალიზმისათვის ყველაზედ უფრო უზრუნველყოფ-დეს, — ამისათვის საჭიროა არამც თუ მარტო ის, რომ ბრძოლის მთავარ შუაგულში პროლეტარიტი მოყვეს, რომლის გარშემო ოპოზიცია შემოკრბეს, — არამედ აჯანყების მეთაური და ხელმძღვანელი თვით პროლეტარიტი შეიქნეს. სწორეთ ტენი-კურათ ხელმძღვანელობა და მთელი რუ-სეთის აჯანყების გამოწყობა-მომზადება — აი ის ახალი მიზანი, რომელიც პროლეტარიტს წინ დაუყენა ცხოვრებამ, — და, თუ ჩვენს პარტიას სურს მუშათა კლასის ნამდვილი პოლიტიკური ხელ-მძღვანელი იყოს, ის ამ მოვალეობის აღსრულებას ვერ უარყოფს და არც უნდა უარყოს.

მაშ, რა უნდა გავაკეთოთ, რომ ამ მიზანს მი-ვაღწიოთ? რა გვარი უნდა იყვეს პირველი ჩვენი ნაბიჯები? ეს კითხვა ბევრმა ჩვენმა ორგანიზაციებ-მა პრაქტიკულათ უკვე გადაწყვიტეს იმით, რომ ნა-წილი თავის ძაღლონისა და საშვალეობათა პროლე-ტარიატის შეიარაღებას მოანდომეს. ახლა ჩვენი ბრძოლა თვითმპყრობელობასთან იმ ხანაშია შემდგა-რი, რომ შეიარაღება ყველას აუცილებლათ მიაჩ-ნია. მარა, მარტო შეგნება იმისა, რაც აუცილებე-ლია — არ კმარა, — საჭიროა პარტიას პრაქ-ტიკული მიზანი სწორეთ დანათლათ წინ დაუყენოთ. ამიტომ ჩვენი კამიტეტები ეხლავე დაუყონებლივ, უნდა შეუდგენ — ადგილობრივ ხალ-ხის შეიარაღებას, საქმის მოსაგვარებლათ სპეცია-ლური ჯგუფების შედგენას, იარაღის საშოვნათ რიიონული ჯგუფების მოწყობას, სხვა და სხვა ასა-ფეთქებელი მასალების მოსამზადებლათ, სახელო-სნოების გამართვას, სახემწიფო და კერძო ია-რალთა საწყობების და არსენალების ხელში ჩასაგ-დებათ პლანის გამომუშავებას. ჩვენ უნდა შევია-რადოთ ხალხი არამც თუ „მწვავე მოთხოვნილე-ბით თვით-შეიარაღებისა“, როგორც გვიჩვენებს ახა-ლი „ისკრა“, არამედ საქმით უნდა მივიღოთ ყო-ველგვარი ენერგიული ზომები „პროლეტარიტის შესაიარაღებლათ“, როგორც მესამე კრებამ ჩვენ დაგვავალა. ამ კითხვის გადაწყვეტაში უფრო აღვი-ლია, ვინემ სხვა რომელისამე, — შევთანხმდეთ. რო-გორც პარტიიდან გამოყოფილ ნაწილთან (თუ კი ისინი მართლა სერიოზულათ ფიქრობენ შეიარაღე-ბაზე, და არა მხოლოდ ლაყბობენ „მწვავე მოთხოვ-ნილებაზე თვით-შეიარაღებისა“), აგრეთვე ნაციო-ნალურ სოციალ-დემოკრატიულ ორგანიზაციებთან როგორიცაა სომხის ფედერალისტები და სხვები, რომელთაც იგივე მიზანი აქვთ დასახული. ამგვარი ცდა უკვე იყო ბაქოში, სადაც, თებრვლის ქლელა-

ხოცვის შემდეგ, ჩვენმა კამიტეტმა, „ბალახანა ბი-
ბიებათის“ ჯგუფმა და ანჩაკისტების კამიტეტმა შეი-
არაღების საქმისთვის ორგანიზაციონური კომისია
ამოირჩიეს თავიანთ შორის. აუცილებლათ საქიროა,
რომ ეს ძნელი და საპასუხისმგებლო საქმე საერთო
ძალ-ღონით მოეწყოს და, ჩვენ გვგონია ამ ნიადაგ-
ზე ფრაქციონურმა ანგარიშთანამამ ყველაზე ნაკ-
ლებათ უნდა შეუშალოს ხელი ყველა სოციალ-დე-
მოკრატიულ ძალთა შეერთებას.

ამასთანავე იარაღის რიცხვის გადიდებათან, მისი მო-
პოვება და ფაბრიკულ წესზე მომზადებათან ერთად,
აუცილებლათ საქიროა, მივაქციოთ სერიოზული ყუ-
რადლება ყოველგვარ საბრძოლველ ჯგუფების შექმ-
ნას, რომ ნაშთი იარაღი საქმისთვის გამოვიყენოთ.
არავითარ შემთხვევაში არ ჩავიდინოთ ისეთი მოქ-
მედება, როგორც იარაღის პირდაპირ დარიგებაა
მისთვის: იმის გამო, რომ ჩვენი საშუალებანი
ცოტაა და ძლიერ ძნელია პოლიციის ფიზიკურ მხედ-
ველობის ქვეშ იარაღის შენახვა, — ჩვენ ვერ შევი-
არაღებთ მცხოვრებთა რამდენადმე შესამჩნევ ნაწი-
ლებს და მაშინ ჩვენი შრომა სულ მუქთად დაიკა-
რგება. სულ სხვაა, როცა ჩვენ სპეციალურათ საო-
მარ ორგანიზაციას შევქმნივთ. სხვა-და-სხვა ჯგუფე-
ბი, რომელნიც იარაღის კარგად ხმარებას შეისწავ-
ლიან, აჯანყების დროს სტიქიურათ დაიწყება ის,
თუ წინააღმდეგობა მომზადებული, — გამოვლენ
მთავარ და მოწინავე რაზმებთან: მათ გარს შემოკრ-
ება და მათი ხელმძღვანელობით ბრძოლის ველზე
გამოვა აჯანყებული ხალხი. მათი გამოცდილებისა
და შეერთებულათ მოქმედების წყალობით, აგრეთ-
ვე კარგი შეიარაღებისა გამო, — შესაძლებელი გახ-
დება აჯანყებულ ხალხის ყველა ძალები გამოვიყუ-
ნოთ და მით უახლოვეს მიზანს მივაღწიოთ — მთე-
ლი ხალხი შევიარაღოთ და წინასწარ შემუშავებუ-
ლი პლანი მოქმედებისა სისრულეში მოვიყვანოთ.
ისინი სწრაფათ დაიპყრობენ იარაღის სხვა-და-სხვა
საწყობებს, მთავრობისა და საზოგადო დაწესებუ-
ლებათა, საფოსტოსა და სატელეფონოს და სხვათ,
რომელნიც რევოლუციის განვითარება-მსვლელო-
ბისათვის საჭირონი იქნებიან შემდეგში.

მარა, ეს მებრძოლი ჯგუფები საჭირონი არიან
არამც თუ მაშინ, როცა რევოლუციონური აჯან-
ყება მთელს ქალაქს მოსდებია; არა ნაკლები საქმის
გაკეთება შეუძლიათ მათ აჯანყების წინა დღეებში.
უკანასკნელ ნახევარ წელში ხომ ნათლად დავრწ-
მუნდით, რომ თვითმპყრობელობამ, რომელმაც
მცხოვრებთა ყველა კლასში დაკარგა სახელი, მთე-
ლი თავისი ენერგია მიმართა იმას, რომ ქვეყნის
ყველა ბნელი ძალები, — ვინც უნდა იყოს ეს, — პრო-
ფესიონალური ხულიგანები, თუ ნაკლებ-შეგნებუ-
ლი და გაფანტებული თათრები — თვის გარს შე-
მოიკრიბოს რევოლუციონერებთან საბრძოლველათ.
პოლიციის შემწეობით შეიარაღებულნი და მის მთა-
რეველობის ქვეშ შუოფნი, — ისინი მცხოვრებთ ში-
შის ზარს სცემენ და ამნაირათ განმათავისუფლებელ
მოძრაობის ატმოსფერას მძიმეთ და აუტანელათ
ხდიან. ჩვენი ორგანიზაციები ყოველთვის მზათუნ-
და იყვნენ წინააღმდეგობა გაუწიონ ამ ბნელ ძალ-
თა ცდა-მოქმედებას, — და ვეცადოთ მათ-მიერ გა-
მოწვეული მოძრაობა აშკარად მთავრობის საწინა-

აღმდეგო მოძრაობათ გადავაქციოთ. შეიარაღებუ-
ლი მებრძოლი ჯგუფები, რომელნიც ყოველ წამს
მზათ იქნებიან გამოვიდნენ ქუჩაზე და ხალხს წინ წარუ-
ძღვენ, ადილათ მიღწევენ მესამე კრების-მიერ დას-
მულ მიზანს: — „შეიარაღებული წინააღმდეგობა უნ-
და გაუწიოთ შავ რაზმებს და საზოგადო ყველა რე-
პუბლიკანულ ელემენტებს, — რომელთაც მთავრობა
ხელმძღვანელობს“. (იხ. „Извѣщеніе“ — „резолуція оѣ
отношеніи къ тактикѣ правительствѣ наканунѣ порохова“).

ბრძოლის ჯგუფებისა და საზოგადოთ სატექნიკო
საომარ ორგანიზაციის ერთი უმთავრესი საქმე ის
იქნება, რომ შე-მუშაოს თავის რაიონისათვის აჯან-
ყების პლანი და შეუთანხმოს ის მთელ რუსეთის-
თვის პარტიულ ცენტრის-მიერ გამომუშავებულ
პლანს. გამოუხსნოს მოწინააღმდეგეს ყველაზედ
უფრო სუსტი ადგილი, აღნიშნოს ის ალაგები, საი-
დანაც უნდა დაეცეს მას, რაიონში ვანაწილოს ყვე-
ლა ძალები, ქალაქის ტოპოგრაფია კარგად შეისწავ-
ლოს — ყოველივე ეს წინააღმდეგ უნდა იქმნეს აღსრუ-
ლებულ, რომ არასოდეს არა რომელიმე გარემოე-
ბებში მოუშადებელი არ შევიქნეთ. აქ სულ უად-
გილოა, რომ ამ მხრივ ჩვენ დაწვრილებით შევეხოთ
ორგანიზაციების მოღვაწეობას, მკატრი კონსპირა-
ცია მოქმედების პლანის შემუშავებაში, მარა რაც
შეიძლება ფართეთ გავრცელება პროლეტარიატში
სამხედრო-სატექნიკო ცოდნისა, რომელიც აუცი-
ლებლათ საჭიროა ქუჩაზე ბრძოლის გასაწევით... ამ
საქმისთვის ჩვენ ვისარგებლებთ იმ სამხედრო პირე-
ბით, რომელნიც ორგანიზაციაში არიან; ამავე მი-
ზნისთვის ჩვენ შეგვიძლია ვისარგებლოთ ბევრი სხვა
ჩვენი ამხანაგებით, რომელნიც თავის ბუნებრივი
ნიჭით და მიღრეკილებით ძლიერ სასარგებლონი
იქნებიან ამ საქმეში. მხოლოდ ამნაირი ყოველმხრი-
ვი მომზადება აჯანყებისთვის შეუძლია უზრუნველ
ყოს სოციალ-დემოკრატიის ხელმძღვანელობა ხალხ-
სა და თვითმპყრობელობის შორის მომავალს ბრძო-
ლაში. მხოლოდ სრული და სავსებით ბრძოლისა-
თვის მზად-ყოფნა შეიძლება იქნეს პროლეტარიატს
პოლ-ციასა და ჯართან ცალკ-ცალკე შეტაკებანი
საყოველთაო სახალხო აჯანყებად გადაქციოს, რომ
მეფის მთავრობის მაგიერ დროებითი რევოლუციო-
ნური მთავრობა დააწესოს.

შეერთებული პროლეტარიატი, წინააღმდეგ „კუ-
და-ძუა პოლიტიკის მიმდევართა“, ყოველსავე თვის
ძალ-ღონეს მოახმარს იმას, რომ მისი ხელში ერთად
იყოს სატექნიკო და საპოლიტიკო ხელმძღვანელო-
ბა აჯანყებისა; ეს ხელმძღვანელობა ის აუცილებე-
ლი პირობაა, რომლის შემწეობით მომავალი რე-
ვოლუცია კლასობრივი ბრძოლის ინტერესების სა-
სარგებლოთ შეგვიძლია გამოვიყენოთ.

შპრინციპების ნაშოვნები.

რა ძაან წააგავან ჩვენი მეუმცირესნი ტურგენე-
ვის „კმყოფილ კაცს“, იმ კაცს, რომელმაც ნაცნობს
ცილი დასწამა, ეს ცილი გულმოდგინეთ და მოხერ-
ხებულათ გაავრცელა, მერე ეს ქორი სხვისაგან გა-
იგონა და ნამდვილ ამბათ მიიღო!.. აი რით არის
აღტაცებაში მოსული ეს „გმირი“ და თვითვე
უკერს „საქმენი თვისი“ საგმირონი. ჩვენ „მეუმ-

ცირესთაც“ პირველივე თვისი ნაბიჯი ცილის წამებით დაიწყო და დღემდე ამ საშუალებას საარაკოთ ანვითარებენ. *) თავის „საპროგრამო“ წერაში — „რა არის პარტია“ — მათ „უმრავლესობა“. პროლეტარიატის მტრათ გამოაცხადეს, მისი მოღვაწეობა მუშათა ინტერესებს დაუპირდაპირეს და დასცენეს, რომ „მეუმრავლესენი მათ ზურგზე ბუქნას გადადიან, რომ ისინი ბურჟუაზიულ მისწრაფებით არიან გაჟღენთილები და პროლეტარიატი ბრმა იარაღათ უნდათ თვისი პოლიტიკური მიზნების განსახორციელებლათ. შეაზავეს რა ეს ცილისწამება „ფაქტებით“, შეუდგენ მის სინამდვილეთ გასაღებას და აი, დღეს ისინი ზემოხსენებულ „გმირის“ მდგომარეობაში იმყოფებიან. ამ თავის საქციელის მოულოდნელმა შედეგმა ეს რაინდები ისე გაათამაშა, რომ მათ სულ დაავიწყდათ ლოლიკა და რევოლუციონური ეთიკა. ისინი არაერთად საშუალებას არ ერიდებიან, ყოველგვარ ზომებს ხმარობენ, რათა როგორც ეს მათი გამოწყობილი „საქმე“ ბოლომდე მიიყვანონ. ამ მიზნით ისინი, სხვა მრავალ საშუალებათა შორის ბევრ „პრინციპიალურ“ და „ტაქტიკურ“ სტატიებსაც აცხობენ, სადაც უმთავრესათ თავიანთ ცილის წამების საგანს, „უმრავლესობა ყავთ მიზანში ამოღებული და უშენენ და უშენენ აუარებელ ტალახის ყუმბარებს ამ „უზურპატორების“ ბანაკს.

როგორც იცით, მათ დასაწყისშივე თავის დროშას შემდეგი დევიზი წააწარეს: „უპრინციპობა“. ამ დევიზის მიყოლამ ისინი სასაცილოდამდე მიიყვანა და გზა კვალი სულ აურ-დაურია. აი რას ამბობენ ისინი: შეიძლება პარტიას არ ქონდეს მკაფიოთ გარკვეული პროგრამა და ტაქტიკა მაგრამ ეს მის მოღვაწეობას ვერ შეაჩერებსო... როგორც ხედავთ მეუმცირესებისთვის მთელი საქმე მოღვაწეობაში (მოძრაობაში) ყოფილა — „მოძრაობა ყველაფერი — საბოლოო მიზანი არაფერი“ — იმეორებენ ისინი ნეტარხსენებული ბერნშტეინის აზრს, მხოლოდ ფრთხილათ-კი, რომ ეს არაფერ არ გაუგოს, თითქმის საქმე მოღვაწეობაში, ოფლის ღერაში იყოს და არა მის შედეგში, სარგებლობის მეტ-ნაკლებობაში. შემდეგ განაგრძობენ: „ხმა ერისა — ხმა ღვთისაო“, ე. ი. რაზედაც „ერმა“ მივითითოს, სოციალდემოკრატმაც ის უნდა გააკეთოს, პრინციპი, რწმენა, ეს სულ მეტი ბარგია, სამარცხვინოა თვისებებია და მათი მქონე ხალხის მოსისხლე მტერიაო. მაგრამ სჯობს თვით ისინი ვალაპარაკოთ: — „ხმა ერისა — ხმა ღვთისაო“. მაგრამ „გმირები“ რის გმირები არიან, რომ ეს იწამონ და მას დაეთანხმონ. „მას“ (უმრავლესობას) „ურჩევნიათ მარტო დარჩენა;

*) სხვათა შორის თავის „პასუხში კავშ. კომიტეტს“ ისინი სწერენ: „ციტატის გამოგონებაში კავშ. კომ. მარჯვე: მაგალითად მე-12 გვ. მოყვანილი ციტატა „მუშათა კლასი“... და სხ. ერთიანთ გამოგონებულიაო“. მეტი თავხედობა და მკითხველის აბუჩათ-ბდება აღარ შეიძლება ყველაფერი გამოვიან: ციტატის გადასხვაფერება, სიტყვების აქა-იქ ამოგლეჯვა და მერე ერთთ მიკოწიწება, მოწინააღმდეგის აზრის გადამხინჯება; მაგრამ ნამდვილი ციტატის უარყოფა, არსებულის მოქორებული გამოცხადება, როგორც ამას „პასუხის“ ავტორები შერებიან — ეს პირველად ჩემის; აქამდის თვით სახელოვანი „ახალმოსულიც“ არ მისულა. რით აიხსნება ეს? მით, რომ ცილის წამება ჩვეულებათ, ადამიქცათ ჩვენ „მეუმცირესებს“.

თავის საკუთარი მოძრაობა დაიწყონ, ვინც „ბრბოს“ დაეთანხმონ და მისი თვალთახედვის ისარი შეითვისონ“...

ესლა ხომ გაიგეთ რა ცოდვილი ყოფილა ეს „უმრავლესობა“. ის პრინციპის ლოლას მარტოდ დარჩენას ამჯობინებს! მოდი და ნუ ჩამოახრჩობთ ამ „გაკაეებულებს“. გაგონილა! მას ეუბნებიან, შენი სოციალდემოკრატიული რწმენა „ერის“ სურვილებს, მის გულისთქმას შესწირეო და ის-კი ჯიუტათ გაიძახის — პრინციპს ვერ ვუღალატებო! ვერ უღალატებ და — „რაც მოგივა დავითაო, ყველა შენი თავითაო!“ — აკი იმისთვისაც მიგატკა სამარცხვინო ბოძზე „უმცირესობამ“ — ახია შენზე!

როგორც ხედავთ, „უმრავლესობამ“ ვერ გამოიჩინა ცხოვრებაში უნარი, ვერ გაიგო ბაზრის მოთხოვნილება და ისეთი საქმენი, — რაღაც რწმენა — გამოიტანა, რომ მუშტარი სათაფრედაც ვერ მიიკარა. სულ სხვარგათ იქცევა „უმცირესობა“. (ტყუილათ ხომ არ შეუღოდა თფილისის ვაქრებთან) *) ის ყველას მოთხოვნილებას ეგუება — მუშასთან — მუშა, ვაჭართან — ვაჭარი, მამულიშვილთან — პატრიოტი და ასე, რა „ქვეყანაშიაც ხედება — იმ ქვეყნის ქუდს აბურავს“, ვთქვათ ჩავარდა მეფისთვის თავდადებულ „ერში“, როგორ მოიქცევა — იკითხავთ თქვენ. რასაკვირველია, თავის რწმენას უარყოფს და მას თვალთახედვის ისარს შეითვისებს, „ერის ხმას“ თავის ხმასაც შეუერთებს და მასთან ერთათ „ბოჟე ცარია ხრანის“ ან „აღზდექ თამარ დედოფალს“ იგალობებს. მხიარული ხორბა კი იქნება, ღვთის წინაშე.

აი სადამდე შეტრავს ჩვენმა „განმანათლებლებმა“ და ვინც-კი მათ აქეთ არ მისდევს, მაშინვე ხალხის მოსისხლე მტრათ ნათლავენ და „ბოიკოტს“ უცხადებენ!

ადვილი წარმოსადგენია თუ როგორი უნდა იყოს ამ უტაქტიკოთა „ტაქტიკა“, რომელსაც ისინი ძალიან ხშირათა ხახხლავენ. აი ნიმუშებიც, როგორც იცით, აჯანყების მოწყობას „უმცირესობა“ უტოპიათა სოფლის და მედიდურათ გაიძახის: მაგაზე მხოლოდ „უმრავლესობას“ შეუძლია იოცნება, ფანტაზია მისი საქმეა, რადგან ის ცხოვრებას შეთქმულთა (заговорщический) თვლით უყურებს, მისთვის ყველაფერი რევოლუციონერთა ორგანიზაციაა, რომელსაც სასწაულთ მოხდენა შეუძლია და სხ... ჩვენ-კი — „უმცირესობა“ — იმდენათ გონიერებივართ, რომ მაგნიირი არაკებით თავს არ შევიწყენთო, რომ

*) უნდა შევნიშნოთ, რომ თბილისის ვაქრების „სული“ (სამართლო), რომელიც არა ლეგალურათ მოქმედებს, და რომელიც, რასაკვირველია, ბურჟუაზიის ფინანსებს აწესრიგებს, ქვეყნის თვალში თბილისის „უმცირე“ კომიტეტის განყოფილებათ ითვლება და მისი სახელით მოქმედებს. ჩვენ ეს არა გვეჯეროდა და გვეგონა, რომ ვინმე ბოროტათ ხმარობდა კომიტეტის ავტორიტეტს თავის ქვედა გრძნობების მისაღწევათ და ველოდით, რომ თვით „უმც.“ კომ. განაცხადებდა ამ საზიზარ საქციელის წინააღმდეგ პროტესტს. მაგრამ ეს ასე არ მოხდა და ჩვენც ცოტა ეჭვი შეგვეპარა ორში ერთი ან თბ. „უმც.“ კომ. მართლა ბურჟუაზია საქმეთ თავის საკუთარ საქმეთ თვლის და მათ „სასამართლოს“ თავის დროშით იცავს, ან მარტო თავის „ფირმას“ აძლევს საექსპლოატაციოთ და თვით განზე დგას. პირველ შემთხვევაში ღალატია სოციალდემოკრატიის პრინციპების მიმართ, მეორე — შეურაცხყოფა — შემწიკველა მისი დიდებული დროშისა.



რევოლუცია თავისით, სტიქიურათ ხდება და ჩვენ მხოლოდ, რაც მოხდება, მას უნდა გაუწიოთ ანგარიშით და სხ... ერთი სიტყვით, ისინი, „მეუმცირესენი“—უარყოფენ აჯანყების მოწყობას და ყოველივე მზადებას მისთვის—მათთვის ყველაფერი—სტიქია. „უმრავლესობას“ ეს შესაძლებლათ მიაჩნია: მას სწამს, რომ მაგარ პარტიათ შეერთებული რუსეთის სოციალდემოკრატია—შესძლებს, მოვალეა შესძლოს—საერთო აჯანყების მოწყობას და მის ხელმძღვანელობას, როგორც მუშათა კლასის მეთაური. ამ მიზნის მისაღწევათ ის ასეთ გზას ადგია: აჯანყება თავისით, სტიქიურათ ხდება—ეს მართალია, მაგრამ ის ხდება ცალ-ცალკე, დაქსაქსულათ და ამიტომ მუდამ მარცხით თავდება. საჭიროა ეს ძალები შეერთდნენ და, დაახლოებით ერთ-დამავე დროს მიიტანონ მტერზე იერიში. ეს-კი მოსახერხებელია—თუ რევოლუციონურ პროლეტარიატს და მის ორგანიზაციებს შორის მჭიდრო კავშირი, ერთი მაგარი და კარგი ხელმძღვანელი ცენტრი იქნებაო. აი ამაზე უკიჟინებს „უმცირესობა“ „უმრავლესობას“ და ეუბნება—შენ აჯანყების დანიშვნა, რევოლუციის მოხდენა ბრძანებით, თითის დაქნევით გინდაო.

ახლა ვნახოთ თვით „უმცირესობა“, როგორ უყურებს რევოლუციას როცა ის ამაზე მსჯელობს? ის ამას ბულიგინის კომისიიდან გამოვლის, იმ დროსთვის ინახავს. არა გჯერათ? აი მაგალითი: ის თავის — „საერო კრება და ჩვენი ტაქტიკა“—ში გვაუწყებს: „ბოლოს ყოველნაირათ ზომებით, დემონსტრაციებთ, გაფიცვებით და, თუ საჭირო იქნება აჯანყებით, თვით საერო კრება ვაიძულოთ დამფუძნებელი კრება მოიწვიოს ან თავისი თავი გამოაცხადოს დამფუძნებელ კრებათ“... მე აქ არ შევეცები ამ, უკაცრავათ პასუხია, „ტაქტიკის“ პოპულარობას, მის „ან“-„ან“ „თუ“-„თუ“-ობას, ეს მერე. ახლა-კი შემდეგ გარემოებას მივაქცევთ თამამ ავტორის ყურადღებას: როგორ, დიდებულო „ტაქტიკოსო“, შენ გინდა აჯანყება რაღაც ბულიგინის კომისიის მოწვევასთან ერთათ მოახდინო, სწორეთ დანიშნულ დროს და ისიც, თუ საჭირო იქნება? თუ საჭირო არ იქნება, აღარ მოახდენთ? —ეს შემთხვევით წამოსროლილი სიტყვა, ან კორექტურული შეცდომა არ გეგონოთ, ის ამავე აზრს მეორე წერილშიც იმეორებს. აი კიდევ რას სწერენ: „თუ ეს არ მოხდა, თუ (კიდევ „თუ“ „თუ“!) თვით კრება იმდენათ რეაქციონური გამოდგა, რომ რევოლუციის შეებრძოლა—მაშინ საჭირო იქნება უეცარი აჯანყებით, როგორც კრების, ისე მთავრობის გაგდება“. *) (თურმე თვითმპყრობელ მთავრობის „გაგდება“ მას ასე ადვილათ შესძლებია და ჯერ საჭიროთ არ სთვლის, * (ალბათ მარტენოვი არ უბრძანებს) როგორც ხედავთ „უმცირესობა“ აღარა ხუმრობს და, როცა და რა დროსაც საჭიროთ დაინახავს, უეცრათ აჯანყებას ახდენს, ნიშნავს! და თუ მის მოწყობა-მოწყის-რიგებაზე თქვით რამე, მაშინვე შეთქმულის გიწოდებს, ისტერიკა დაემართება, ხელებს გაასასხავებს და პირველის წერით ყველა წმინდანებს შეგარისხებს. ასე გაატარა-რა საერო კრება თავის „ტაქტიკა“

*) „დამფუძნებელი კრება“, — „სოციალდემოკრატია“ № 2.

ში“, ის გადავიდა დამფუძნებელ კრებაზე, შემდეგ „დროებით მთავრობა“-ც (თუ დროებითი რევოლუციონური მთავრობა? რათ გაურბით ასე სიტყვას: „რევოლუციონური“? ესეც ერთი პოპოტიუნისმის თვისებათაგანია!) მოაგონდა და ერთი „ტაქტიკაც“ ამისთვის გამოიკა. კითხულობთ ამ ეპისტოლეს ერთხელ, ორჯელ. გინდათ რამე მთლიანი აზრი გამოიტანოთ, მაგრამ ამაოთ! რაც მეტს უკვირდებით, იმდენა, მეტ უაზრობას აწყდებით. ერთს გაიგებთ მხოლოდ ნათლათ: დროებითი რევოლუციონური მთავრობა რაღაც შიშის ზარს გვრის ავტორს, და ის აღშფოთებული ყველა მართლმორწმუნეს ურჩევს: არამც და არამც მაგ საეშმაკეთში არ შეგიტყუონ, თორემ წაწყდებით, გაბურჟუავდებით და სხ... გასაგებია მისი სულისკვეთება: მას, როგორც უბრინციკოს უნდა ეშინოდეს, რომ ბურჟუაზიამ თვისი პრინციპები არ ჩაუდოს თავში, მაგრამ ერთი მითხარით, თუ უფალი გწამთ: მთელი შეგნებული პროლეტარიატი და მისი პარტია აქ რა შუაშია? „სოციალდემოკრატმა“ და მის სულის ჩამდგმელების სულის ჩამდგმელმა პარტინოვმა. შეიძლება დაივიწყონ (თუ უკვე არ დაივიწყებიათ) თავისი მიზანი პროგრამა-მინიმუმი, მაგრამ ეს მათ არავითარ უფლებას არ აძლევს, რომ მთელი პარტია თავის ადლით ზომონ და თავის გულ-მაგიწყობა მასაც თავზე მოახვიონ! ეს პროლეტარიატის დამცირება, მისი აბუჩათ ადება, გაიქცეოდა მე მათ საყვარელ დემაგოგიურ ფრაზებს. წინა წერილში—„დამფუძნებელი კრება“—ისინი სწერენ: „პროლეტარიატის მიზანია დემოკრატიული რესპუბლიკა“. და მერე იქვე—თითქმის იმავე გვერდზე, გაიძახიან: პროლეტარიატი დაინახავს თუ არა თავის მთავრობას, ეს თვისი მიზანი დაავიწყდება და მაშინვე ისეთ რამეს მოითხოვს, რის განხორციელებაც შეუძლებელი იქნებაო. ელაპარაკე ამათ! ჯერ ქვეყანა გამოაყრუეს ყვირილით—პროლეტარიატი ნამდვილი სოციალდემოკრატია, ის არასოდეს არ შესცდება, მუდამ სწორე გზით მიდის და ჩვენ მას უნდა მივყუთ, მისი თვალთა ხედვის ისარი უნდა შევითვისოთ. ეხლა-კი, როცა ეს სასარგებლოთ აღარ დაურჩათ, არა. თუ მთელი პროლეტარიატი, მის მოწინავე ნაწილიც-კი ისეთ უგუნურებათ გამოყავს, რომის, ნახავს თუ არა სოციალდემოკრატია დროებით რევოლუციონური მთავრობაში შევიდა, მაშინვე გადაირევა, თავის ანარხისტობით „შეუგნებელ ბრბოს“ ააჯანყებს და კონტრ-რევოლუციის გამოიწვევსო. არა, ბატონებო! როგორც პირველში ისე მეორე შემთხვევაში ძალიან შემცდარება ბრძანდებით! ჩვენ გვწამს, რომ შეგნებულ პროლეტარიატს ვერავითარი დროებითი რევოლუციონური მთავრობა თავის პრინციპს ვერ დაავიწყებს, ვინაიდან „ის მომზრდა მტკიცე-პრინციპიანად პოლიტიკისა, რომელსაც ვერ არყვეს წუთ-ერთი გულის-თქმა, პირადი და ადგილობრივი ინტერესები“, როგორც ამბობს კ. კაუცკი. ამიტომ ის მოუთხოვნელს ვერ მოითხოვს და თვის შეუგნებელ ამბანაგებს (გარდა ხულიგანებისა) არ აამხედრებს თავის წინააღმდეგ.

აი კიდევ რას ამბობს ეს ახირებული ტაქტიკოსი: „მეტყვიან: რევოლუციის ხომ პროლეტარია-

16345

იქმნა საერო მოღვაწეებისა და ქალაქის თავების ტი მოახდენს, მაშასადამე, დროებითი მთავრობაც მას ჩაუვარდება ხელში. ვთქვით, რომ ეს ასეა, მაგრამ ეს კიდევ არ ნიშნავს იმას, რომ გამარჯვებული პროლეტარიატი სოციალდემოკრატიული პროლეტარიატია. 9 იანვარს რომ პროლეტარიატს გაემარჯვნა, მთავრობას შეადგენდა გაპონი და არა სოციალდემოკრატები“. ვთქვით, რომ მართლა გაპონები ჩაუდგენენ მუშებს სათავეში („მეუმცირესენი“ მაინც აქეთვენ მიათრევენ პარტიას) და დროებითი მთავრობაც შეადგინეს, რას იზამენ მაშინ ეს ჩვენი „გოლიათები“? გარედმიდან დავატანთ ძალას — სხარტით მიპასუხებენ ისინი. მეჩე როგორ, ბრძენებო? თუ-კი პროლეტარიატი გაპონების ხელშია, ის ხომ შიგნითაც და გარეთაც მის ხელშია, მაშ რომელი ძალით უნდა მიიტანოთ „გარედმიდან“ იერიში (თბილისის ვაჭრების იმედი თუ გაქვთ!) თუ, სამწუხაროთ, გაპონებმა სოციალდემოკრატია დაამარცხეს და პროლეტარიატი თვით გაიყოლიეს, მაშინ ხომ ჩვენ დროებით მთავრობაში არც შევალთ და არც შეგვიშვებენ! ამიტომაც, რომ ჩვენ მკაფიოთ და გარკვევით ვიძახით: დროებით რევოლუციონურ მთავრობაში იმ შემთხვევაში შევალთ, თუ რევოლუციონური დემოკრატიული დიქტატურა სოციალდემოკრატიულ პროლეტარიატს და დემოკრატიას ჩაუვარდება ხელში და ამ პირობებში თქვენსათვის არ გვეშინიან მოწინავე პროლეტარიატის და მისი პარტიის გულ-მავიწყობისა. მაშასადამე, გაპონების მთავრობაზე ბაასი ცარიელი წყლის ნაყვია და, არ ვიცით, რათ დასკირდა თავ-მოძრონე „ტაქტიკოს“ ეს უაზრო ოპერაცია? „აქედან ცხადია“ — დასკვნის ის — „ჩვენი ტაქტიკა ბურჟუაზიულ დროებით მთავრობის მიმართ: მასაც ისე, როგორც საერო კრებას ვაყენებთ ჩვენ მხედველობის ქვეშ“... როგორც ხედავთ, „უმცირესობას“ აქ ფიქრათაც არ მოსდის საერო კრებაში მონაწილეობა მიიღოს. პირ-იქით, მასაც სწორეთ ისე, როგორც „დროებით მთავრობას“, ბრძოლას უტყუდებს, ე. ი. გარედმიდან ატანს ძალას. საერო კრების მიმართ ასეთი ტაქტიკა ყველა სოციალდემოკრატს მოეწონება და ჩვენც გვესიამოვნა, რომ „უმცირესობამ“ აქ მაინც გამოიჩინა ცოტადენი პოლიტიკური სიმწიფე. მაგრამ დახვთ პროგრამის გამოურკვეველობას, წყევლმა სტიქიამ აქაც იჩინა თავი და მეორე ნომერში ნათქვამი, მეოთხეში შთლათ დაავიწყა ჩვენ დონკიხოტებს. მეოთხე ნომერ სოციალდემოკრატში მათ გვაუწყეს, რომ თბილისის რაიონულ და პროპაგანდისტების შეერთებულ სხდომაზე დაადგინეს, რომ ეს კრება პრინციპიალურათ მომხრეა საერო კრებაში მონაწილეობის მიღებისა.

თუ როგორი დიპლომატიური თვალთ-მაქცობით გაიყვანეს „მეუმცირესეთა“ ბელადებმა (აქაურებმა) ეს კითხვა, ამაზე არას ვიტყვი, ეს კითხვის არსებით მხარეს არ შეადგენს. აქ საგულისხმო ისაა, რომ „უმცირესობამ“ საერო კრებაში მონაწილეობის მიღება პრინციპიალურათ სასარგებლოთ სცნო, „მეუმცირესეთ“ თვითმპყრობელობის მოწყობილ კომედიში შესვლა გადასწყვიტეს და მით ერთხელ კიდევ დაანახვეს ქვეყანას, რომ ისინი ბულიგინებს, შიპოვებს და კომპ. უფრო მეტ თანაგრძნობას უტ-

ხადებენ, ვინემ იმ რევოლუციონერებს, რომლებიც რევოლუციის მარჯვე მიმდინარეობის დროს, შევლენ დროებით რევოლუციონურ მთავრობაში და ჩვენი პროგრამა — მინიმუმის გაყვანას შეეცდებიან.

გვგე.

მოღალატე ლიბერალები და მონარქიული თამადა-აზნაურობა.

გასული ივნისის თვის 6 და 21 რიცხვებში მეფეს წარუდგა პეტერბურგში ორი დეპუტაცია. ორივე დეპუტაცია მეფის წინაშე გამსკვალული იყვნენ ერთის და იმავე „მხურვალე გრძნობით მამულისადმი სიყვარულისა“ და ორივე ესაუბრებოდა მეფეს „ხალხის“ სახელით, მეფემ ერთგვარი მოწყალებით მიიღო ორივე დეპუტაცია და „გულწრფელი მადლობა გადაუხადა მათ იმ გრძნობათა და აზრთათვის, რომელმაც მიიყვანა ისინი მასთან.“

„უთხრეს მეფეს „ხალხის“ ამ მოციქულებმა და რატომ დარჩა ასე მადლობელი მეფე?

თავის სიტყვებსა და პეტიციებში, რომელიც გამოქვეყნდა ლეგალურ პრესაში, ორივე დეპუტაცია ჩივის სახელმწიფოში გამეფებულ სრულ ანარქიას, იმ ხაშინელებას რომელიც მოუტანა რუსეთის ხალხს ომმა, — და სიხარულით ეგებება მეფის გადაწყვეტილებას — ხალხის მოწვევის შესახებ, რუსეთის სახელმწიფო წესწყობილების განსაზღვრებას. ორივე დეპუტაცია ერთნაირათ თავის უქვეშევრდომილეს გრძნობებს უტყუადებს „უსაყვარლეს მონარქს“ და სთვლიან მეფეს გულშემატკივარ მზრუნველათ ხალხის საქიროებათა და უთითებენ მას ბიუროკრატიაზე, როგორც ყველა იმ უბედურების მიზეზზე, რომელიც რუსეთს თავს დაატყდა; მოითხოვენ ამ საზიზარო „შუამავლის“ მოსპობას და სურვილს უტყუადებენ, თუმცადა სხვადა-სხვა სახით, — რომ აღთქმული ერთობა მეფესა და ხალხს შორის დამყარდეს.“ ორივე დეპუტაციი უფრობის რევოლუციის, როგორც ცეცხლს, და შემოდგან რეფორმების გაყვანას შენატრის.

ამ ზოგადი მოთხოვნილებათა ზერელე აღნუსხვაც ნათლათ არკვევს ამ ორ დეპუტაციის ანტირევოლუციონურსა და ანტიპროლეტარულ ბუნებას. აი მიზეზი იმისა, რომ ასეთი მოწყალებით ესაუბრა ორივე დეპუტაციას რუსეთის თვითმპყრობელი და კულწრფელი მადლობით გაისტუმრა ორივე.

მაგრამ ეს ორი დეპუტაცია საინტერესოა არა მარტო იმიტ, რაც ახლოებს მათ ერთი მეორესთან და ჰყოფს რევოლუციონური პროლეტარიატისაგან. მუშებმა გულდასმით უნდა ადევნონ თვალყური აგრეთვე ყველა იმას, რაშიც განსხვავდებიან ერთი მეორისაგან ეს ბრწყინვალე „ბატონები“, რომელნიც, თუმცა ერთნაირათ „ხალხის“ სახელით ლაპარაკობენ, ერთნაირათ იმედი აქვთ „სამშობლოს დამშვიდებისა“; მაგრამ, მიუხედავად ამისა, სხვადა-სხვა გზას ირჩევენ — „ხელმწიფის-მიერ ნაუწყებ სასურველ ცვლილებათა“ განსახორციელებლათ. იმას, რაც ამ „ვაჟბატონებს“ აერთებს და იმას, რაც მათ ერთი მეორისაგან ყოფს, ერთგვარი სერიოზული პოლიტიკური ინტერესი აქვს ჩვენთვის დღეს. ლიბერალების დეპუტაცია, რომელიც არჩეულ

კრებაზე, წარსდგა მეფის წინაშე 6 ივნისს და თავის ხელმოწერას სთხოვა: „გამოცხადებულ ცვლილებათა განსახორციელებლათ“; მოუწოდოს ხალხის-მიერ თავისუფლად არჩეულ წარმომადგენლებს, რათა მათ მეფესთან ერთად გადასწყვიტონ საკითხი ომისა და ზავის შესახებ და დააფუძნონ ახალი სახელმწიფო წესწყობილება.“ ლიბერალები არ ფიქრობენ მონარქიულ რეჟიმის მოსპობას და ხალხის თვითმპყრობელობის შემოღებას—დემოკრატიული რესპუბლიკის სახით, რომელსაც ითხოვს და რომლისთვისაც მდგერათ იბრძვის მუშათა კლასი. არა, ისინი, დარწმუნებულნი, რომ მეფეს სურს სიკეთე და ნამდვილთა-კი ბოროტება ხდება, — რომ მეფე ბრძანებს ერას, კეთდება-კი სულ სხვა... ამიტომ მათ მეფის ბატონობის შენახვა სწადიათ; ისინი თხოვლობენ მხოლოდ ბიუროკრატიის მოსპობას და მისს ადგილზე „ხალხის წარმომადგენლების“ მოწვევას. ლიბერალებს არ უნდათ, რომ წარმომადგენლობა წოდებრივი იყოს, მიტომ რომ „რუსეთის მეფე—მარტო აზნაურების, გლეხების და ვაჭრების მეფე კი არ არის, არამედ მთელი რუსეთის მეფეა“... მაგრამ, ამასთან ერთად ისინი როდი თხოვლობენ საყოველთაო, თანასწორ, პირდაპირ და ფარულ კენჭის ყრით საარჩევნო უფლებას, — რომელიც ერთად ერთი უზრუნველყოფს დემოკრატიისა და ნამდვილ სახალხო წარმომადგენლობის ინტერესებს. მათთვის საუშაოა ისიც, თუ „ხალხის წარმომადგენლებათა თვით ეს ბრწყინვალე და განათლებული „ვაჭრატონები“ გახდებიან. ისინი დაიკავებენ თუ არა ბიუროკრატიის ალღვს და ჩაივდებიან თუ არა ხელში ძალის, რასაკვირველია, შეუდგებიან თავისებურათ იმ „ხალხის“ ინტერესებზე ზრუნვას, რომლის სახელს დღეს ისინი წამდა-უწუმ ფიცულობენ!...

ის დეპუტაცია, რომელიც მეფეს 21 ივნისს წარუდგა, მეფის გვირგვინისა და ძველი რეჟიმის ერთგული ფეოდალური აზნაურების დეპუტაცია იყო! დიდებული ხელმოწერა... ამოღეს ეს დეპუტაცია თავის პეტიციაში, რომელიც მან მეფეს მიართვა: „ჩვენი საზოგადოების ერთი ნაწილს ჯიუტმა მისწრაფებამ, რომელსაც სურს — შეარყიოს ისტორიულად შეუმავებელი სახელმწიფო წესწყობილება და მოახვიოს ქვეყანას მისი მდგომარეობისა და საზოგადოებრივ წყობილებასთან შეუფერებელი ფორმები მართვა-გამგეობისა, — გვაძლეს შევერთუბელიყავით ერთ რაზმად ყველა ჩვენ, რომელთაც გვწამს, რომ სახელმწიფოს ცხოვრების განვითარება შეუძლებელია ისტორიულ წარსულთან შეუკავშირებლათ“.

„მთელის რუსეთის ხალხთან“ და „დიდ ხეომწიფესთან“ ერთად ეს დეპუტატებიც გრძნობენ, რომ აუცილებლათ საჭიროა „შუამავალი“ — ბიუროკრატიის მოსპობა; მაგრამ, ამავე დროს ენერგიულ პროტესტს აცხადებენ არა-წოდებრივ, სახალხო წარმომადგენლობის წინააღმდეგ და ემუდარებიან მეფეს — მოიწვიოს ისტორიის-მიერ დაკანონებულ ჯგუფებისაგან არჩეული წარმომადგენლები.

„არა, ხელმოწერა!“ — გაიძახიან ისინი, ლიბერალებისკენ ნიშნისგებით: — „შენ უწინდებურათ აზნაურებისა და გლეხების მეფე ხარ, და ისინი ეტრფი, ან „იმ ძველი წყობილების განხორციელებას, რო-

ცა რუსეთის მეფე იკუთნებდა სრულ უფლებას, სრულ თავისუფლებას, მარა იმავე დროს უსმენდა, ხალხის-მიერ არჩეულ საუკეთესო კაცების ძართალსა და უანგარო ხმას.

ამგვართ, ამ დეპუტაციების სახით, ჩვენს წინაშე აშკარათ გამოვიდა საპოლიტიკო გზაზე ორი პარტია, რომელთაც მომავალ რევოლუციაში საყურადღებო მნიშვნელობა ექნებათ. ერთი მხრით, ლიბერალური პარტია კონსტიტუციონალისტებისა, რომელიც ცდილობს შეზღუდოს თვითმპყრობელობა და მოუპოვოს პოლიტიკური უფლებები ბურჟუაზიას, — მეორე მხრივ, — ფეოდალური თავდაზნაურობა, რომელიც ორივე ხელით ეჭიდება მონარქიული მთავრობისა და ძველ წესწყობილების პრეროგატივებს. ამ ორი პარტიის გამოსვლა ცხოვრებაში შემთხვევითი და მოულოდნელი არ ყოფილა. სოციალდემოკრატთა დიდი ხანია იწინასწარმეტყველა მათი მოვლინება, როგორც მომავალი ბურჟუაზიული რევოლუციის აუცილებელი ისტორიული ფაქტორებისა.

იმ პარტიაში, რომელიც უკვე არსებობენ, ან რომელთა გაჩენა მოსალოდნელია, და რომელთაც რევოლუციონერმა პროლეტარიატმა ანგარიში უნდა გაუწიოს, ყველაზედ მეტი მნიშვნელობა და გავლენა ბურჟუაზიულ კონსტიტუციონალისტების პარტიას ექვს.

რამდენათაც უაზროთ და უმიზნოთ ფიქრობს რეაქციონერი თავდაზნაურობა იმის გადარჩენას, რასაც ისტორიამ სიკვდილი მიუსჯა, იმდენათ შესაძლებელია ბურჟუაზიის გამარჯვება, რომელიც ცდილობს, გამოგლიჯოს თვითმპყრობელობას თავისი წილი მართვა-გამგეობაში და გაბატონდეს სახელმწიფოში, არა მარტო ეკონომიურათ, არამედ პოლიტიკურათაც.

მაგრამ, ბურჟუაზიის არსებითი თვისებები და კლასობრივი მდგომარეობა ისეთია, რომ ის ყველთვის ღალატობს „ხალხის“ ინტერესებს. ე.ი. მხრით, მის გვერდზე დგას რევოლუციონერი პროლეტარიატი, რომელსაც არ აკმაყოფილებს მხოლოდ აზრდელი ბურჟუაზიულ საზოგადოება. მეორე მხრივ, — მას ახლავს ფეოდალური არისტოკრატია, რომელიც მუდამ სამაგიეროს ვადებად ცდილობს; და ამიტომ ბურჟუაზია ყოველთვის არბიროვან და თვალთმაქცურ როლს თამაშობდა როგორც ერთის, ისე მეორეს წინაშე. ტიერი, იმ პოლიტიკური მეთაური საფრანგეთის ბურჟუაზიისა, რომელმაც გაანადგურა პარიზის კომუნა, და დაახვედრინა ბურჟუაზიის ბატონობის წინააღმდეგ აჯანყებული მუშები, საუკეთესო მაგალითია იმისა, თუ რა გვარ მატყუარა და ვერაგულ პოლიტიკოსს ადგას ბურჟუაზიულ ლიბერალიზმის მომხრენი...

„ბურჟუაზია“ — ამოღეს ის ერთს თავის საპარლამენტო სიტყვაში — „ყოველთვის მეტის მეტი ეშმაკობით და თვალთმაქცობით უნდა იქცეოდესო. მას თავის პოლიტიკურ ბრძოლაში იარაღათ ორი ლოზუნგი უნდა ქონდეს: თავისუფლება და წესრიგი! როცა მის წინააღმდეგ სდგას ფეოდალური თავდაზნაურობა, რომელიც თავის ძველი უპირატესობის აღდგენას ლაპობს, ის უნდა შეუერთდეს ხალხს და მასთან ერთად იძახოდეს: თავისუფ-

ლება! მაგრამ, როცა მის წინააღმდეგ ხალხი ამხედრდება, მან ხელი უნდა გაუწოდოს თავდახანაურობას და მასთან ერთად დაიძახოს: გაუმარჯოს წესრიგსაო!...

მაგრამ, ევროპას ბურჟუაზია ასეთი გულახდილი და თანაც უსირცხვილო მხოლოდ მას შემდეგ გახდა, როცა საბოლოოდ დასცა აბსოლიუტიზმი (თვითმპყრობელობა). მანამდე-კი ის თავის თავს გულწრფელად სთვლიდა მთელი ერის ინტერესების გამომხატველად და სათავეში უდგა აჯანყებულ, რევოლუციონერ ხალხს. დასავლეთ ევროპის გამოცდილებამ ერთის მხრით, და შეგნებული რევოლუციონური პროლეტარიატის არსებობამ რუსეთში, მეორე მხრით, ბურჟუაზიას გულში ჩაუკლა გულუბრყვილო რწმენა, რომ ის ეროვნულ განთავისუფლების მატარებლად, „თავისუფლებისა, თანასწორობისა და ძმობისათვის“ მებრძოლად მოწოდებულია. პროლეტარიატმა მას თვითმპყრობელობის საწინააღმდეგო აღძრული თავგამოდებული ბრძოლის ხალხის წაართვა.

რუსეთის ბურჟუაზია ჯერ კიდევ რევოლუციის დაწყებამდე იძულებული გახდა გამოეაშკარავებინა თავისი ნამდვილი ბუნება. მან ჯერ ვერც-კი მოასწორო გარეგანი რევოლუციონერება და უკვე აშკარად დალტობს რევოლუციისა და ხალხის ინტერესებს.

ერთის მხრით, ის თავს ევლება პროლეტარიატს, გამოდის „ხალხის“ სახელით და პირდება მას „თავისუფლად არჩეულ სახალხო წარმომადგენლობას“; მეორე მხრით, — ის ქედს იხრის მონარქიული მთავრობის წინაშე, ესიყვარულება მეფეს და სასახლის ლაქიებს საიდუმლო ხელშეკრულობას უდებს. მაგრამ, ვერავითარი „თვალთმაქცობა“ და ვერავითარი შეთქმულება ლიბერალების მხრივ ვერ მოატყუებს შეკავშირებულ და კლასობრივად შეგნებულ გამსჭვალულ პროლეტარიატს! რევოლუციის დიდებულ წინსვლას ვერ შეაჩერებს ვერც მტაცუარა და ვერავი ლიბერალები, ვერც სასახლის გულმოდგინე კამარბილი; ის გააქრობს უკანასკნელ ნაშთს დახვსებულ თვითმპყრობელობისა და მისცემს ხალხს იმას, რაც ახლა ასე სჭირია: თავისუფალ დემოკრატიულ რესპუბლიკას, საყოველთაო, თანასწორ, პირდაპირ და საიდუმლო ხმის მიცემის უფლებაზე დამყარებულს.

მოკესკოდენსიები.

შორაპანი. თბილისისა და ქუთაისის საერთო გაფიცებმა აქაც აახმაურა მუშები. ივნისის ბოლო რიცხვებში აქაური ვაგონების დამტვირთველმა მუშებმა გაფიცვა გამოუცხადეს „რკინის გზას.“ მუშები ითხოვდნენ: მანეთ ნახევარ დღიურ ქირას (მანამდე მანეთს იღებდნენ) და ათ-საათიან სამუშაო დღეს (მანამდე თოთხმეტ-ხუთმეტ საათს მუშაობდნენ). „რკინის გზამ“ უარი გამოუცხადა მოთხოვნების დაკმაყოფილებაზე, დაითხოვა ყველა ძველი მუშები (რიცხვით, ასზე მეტი), და მათ ადგილზე მოიყვანა ახალი მუშები — კახანელი თათრები. თანაც პოლიცია ჩაერია საქმეში („პრისტავი“ მახა-

რადე*) გამოგზავნეს მუშების ასალაგმავთ) და არიდარია მუშები. მუშები შედრკენ და გადასწყიტეს დაეთმოთ „რკინის გზისათვის“, მით უმეტეს, რომ ის კაცები, რომლებიც გაფიცვას მანამდე ხელმძღვანელობდნენ („მეუმცირესები“ იყვნენ), აღიარებდნენ, — სწორედ ამ გაქირვების დროს მიატოვეს მუშები. მაგრამ, ამ დროს ჩამოვიდნენ ქიათურელი ამხანაგები, გაამხნევეს გაფიცულები და აღუთქვეს, რომ ქიარის ვაგონების დამტვირთელი მუშები გაფიცვით დაუქერენ მხარს შორაპნელ ამხანაგებს მანამდე, სანამ მათ არ დააკმაყოფილებენ. შორაპნელი ამხანაგები სიხარულით მიეგებნენ ქიათურელების წინადადებას და გაფიცვა გააგრძელეს. ამავ დროს მოვიდა ქიათურის ორგანიზაციის ფურცლები შორაპნელი მუშებისადმი, სადაც ის იწვევს მათ გააგრძელონ გაფიცვა და თავიანთ მოთხოვნებს ერთი მოთხოვნაც მიუმატონ: დათხოვნა ყველა ახალი მუშებისა. ამ გვართ, საქმე გაიჩარხა და გაფიცულებმა წელი მოიმარეს. ქიათურამ მუშაობა შეაჩერა და მოითხოვა შორაპნელების დაკმაყოფილება. „რკინის გზა“ იძულებული გახდა ყველა მოთხოვნები დაეკმაყოფილებინა. ასე გათავდა შორაპნელების გაფიცვა. მუშები ცხრა ივლისიდან მუშაობას დაადგნენ. „ახლა-კი მივხვდით, რომ ღარიბებსაც უნდოდათ მდიდრების დამარცხება, თუ კი ეს ღარიბები ერთმანეთს მხარს დაუქერნო“, ამბობენ აქაური მუშები.

ჭიათურა. კანტორების მოსამსახურეთა გაფიცვა, რომელიც ივნისის ბოლოში დაიწყო, გათავდა ზოგიერთა მოთხოვნების დაკმაყოფილებით.

ხუთ ივლისს ქიათურის ორგანიზაციის მოწოდებით, ქიათურის ვაგონების დამტვირთველმა მუშებმა გაფიცვა მოახდინეს. მუშები ითხოვდნენ „შორაპნელი ამხანაგების დაკმაყოფილებას“. ცხრა ივლისს ორგანიზაციამ ცალკე პროკლამაციაში გამოაცხადა, რომ შორაპნელი ამხანაგები უკვე დაკმაყოფილეს, გაფიცვა გათავდა და ეხლა დროა ჩვენც მუშაობას შევედგეთო. მუშები გამარჯვებას დღესასწაულობენ.

ამ ივლისის თვეში ქიათურაში მოვიდა ორი ვაგონის სოციალ-რევოლუციონერები, ფედერალისტები, ავტონომისტები, ანარხისტები და სხვადასხვა ისტები. „კამათი გვინდა გაუმართოთ სოციალ-დემოკრატებს და მუშები მოვიმხროთო“, ამბობდნენ ისინი. მოგროვდა ათასხუთასამდე მსმენელი. კამათი გათავდა მოწინააღმდეგეთა სრული დამარცხებით. კამათის ბოლოში მუშებმა დროშა აუშვეს და დასძახეს: „ძირს სოციალ-რევოლუციონერები, ძირს ფედერალისტები, გაუმარჯოს სოციალ-დემოკრატისაო!“ და მარსელიეზას სიმღერით შემოიარეს მთელი ბაზარი. გზა-და-გზა ჩერდებოდნენ და სიტყვებს ისმენდნენ. მეორე დღეს კიდევ გაიმართა კამათი. ორიათასზე მეტი მსმენელი დაესწრო. აქ უფრო სასტიკად დამარცხდნენ პატივცემული „ისტები“ და იძულებული გახდნენ მოშორებოდნენ ქია-

*) ეს ის მახარაქია, რომელმაც რამდენიმე თვის წინეთხოვნით მიმართა იმერ.-სამეგრელოს კომიტეტს: ნუ მომკლავთ და, როგორც გინდათ, ისე მოგვმარებით, ყველა ჯამუშების ვინაობას შეგატყობინებთო. ნეტა ვის ატყუებდა ეს წამხდარი ლაქია წამხდარი მეფისა!

ფურას. კამათის გათავებისას ხალხმა ერთხმად იგ-
რაილა: „გაუმარჯოს სოციალ-დემოკრატიასო“, აუ-
შვა სამი დროშა და მარსელიეზას სიმღერით ერთ-
ხელ კიდე შემოიარა ქიათურის ბაზარი. გზა-და-
გზა რიგდებოდა ქიათურის ორგანიზაციის პროკლა-
მაცია ზემოთნახსენები „ისტების“ წინააღმდეგ. დე-
მონსტრანტებმა ერთხელ კიდე შესძახეს: „გაუმარ-
ჯოს სოციალ-დემოკრატიასო“, დაუშვეს დროშები
და წყნარად დაიშლნენ. ასე „გაასამართლა“ ჩვენი
„ისტები“. „მშრომელმა ხალხმა!“

ბაზო. იმ ხოცვა-ჟლეტის შედეგები, რომე-
ლიც მთავრობამ მოახდინა თებერვლის 6—9
რიცხვებში, იმ მიზნით, რომ თათარსა და სომეხ მუ-
შებ შორის უთანხმოება დაეთესა, — განსაკუთრე-
ბით თავი იჩინა მირზაბეკიანცის თამბაქოს ფაბრი-
კაში. ამ ფაბრიკაში მუშაობს 700 კაცი — სხვა-და-
სხვა ეროვნებისა, ყველაზედ მეტი სომხები და თათ-
რები. უკანასკნელ ხანამდე ეს ფაბრიკა წარმოადგენ-
და ბაქოში საუკეთესო ბუდეს რევოლუციისა. მუ-
შებმა, ხაზინებთან და ადმინისტრაციასთან განუ-
წყვეტელი ბრძოლის შემწეობით, ბევრი მოიპოვეს
და რამდენაზემე კიდეც გაიუმჯობესეს მდგომარეობა.
ეს იყო მაშინ, როცა მუშები, ეროვნების განუ-
რჩევლად, სოლიდარობის გრძნობით იყვნენ გამსჭ-
ვალუნი და, ბაქოს სოც.-დემ. კომიტეტის სელმ-
დვანელობით, შეერთებულნი ებრძოდნენ საერთო
მტერს ხაზინ-კაპიტალისტს. მაგრამ, აი, თებერვლის
ხოცვა-ჟლეტის შემდეგ, სომხების უმრავლესობა ჩა-
ფარდა ნაციონალისტური პარტიის — დროშა-
კისტების გავლენის ქვეშ, რომელმაც კიდეც
ისარგებლა ამ შიშის ზარით, რაც სომხებში გამო-
იწვია ხოცვა-ჟლეტამ — გამოაჰყო ისინი სხვა მუ-
შებისაგან და ცალკე ორგანიზაციაში მოაქცია.

სოლიდარობის მოსპობამ მუშებში აუტანელი
მდგომარეობა შექმნა. ასეთი აუტანელი მდგო-
მარეობა იყო 9 ივლისსაც, როცა მუშების ერთ-
მა ნაწილმა — რუსებმა და მაჰმადიანებმა — მოითხო-
ვა ორი მუშის დათხოვა ფაბრიკიდან და
ამისთვის გამოაცხადა გაფიცვა. თავის მოთხოვ-
ნას ამ ორი სომეხი მუშის შესახებ ისინი იმით
ასაბუთებდნენ, რომ: 1) ბრალდებული მუშები ატ-
ყობიებდნენ ხაზინს, რაც ხდებოდა მუშებში და 2)
სარგებლობდნენ თავის გავლენით მეფაბრიკესა და
მმართველზე და არავის არ იღებდნენ ფაბრიკაში, გარ-
და სომხებისა. აქ უნდა დავუმატოთ, რომ, ფაბრიკის
წესების ძალით, რომელიც მუშებმა შეერთებულ
ბრძოლით მოიპოვეს, ადმინისტრაციის შეუძლია მუ-
შების მიღება ან დათხოვნა მხოლოდ თვითონ მუ-
შების თანხმობით.

გაფიცვის საბაბი შემდეგი იყო: ერთმა რუსმა-მუ-
შამ, რომელიც წინათ მირზაბეკიანცთან მუშაობდა,
ითხოვა ადგილი ფაბრიკაში. მისი თხოვნის შესას-
რულებლად, მთელი ფაბრიკის მუშებმა დებუტაცი-
ა გაუზაფნეს მეფაბრიკეს. სხვათა შორის, დებუტა-
ციაში მოჰყვა ერთი იმ სომეხ მუშათაგანი, რომ-
ლის გაგდება შემდეგ მოითხოვეს რუსის და თათრის
მუშებმა. მაგრამ, ამ მუშამ გადაქრით უარი სთქვა
დებუტატობაზე და სულაც არ ინდომა ეშუამდგომ-
ლა რუსი მუშის მიღების შესახებ. მაშინ, მუშებმა
უამისოდ მივიწყნენ კანტორაში, მაგრამ უარი მიიღეს
ადმინისტრაციისაგან, ვითომდა ადგილის უქონლო-

ბისგამო. რამდენიმე დღის შემდეგ სამუშაო ითხოვა
სომეხმა მუშამ, რომელც კიდეც მიღებულ იქმნა მე-
ფაბრიკის-მიერ, თავით იმ სომეხ მუშის თხოვნით,
როსელმაც არ ინდომა ეშუამდგომლა დებუტატო-
სთან ერთად რუსი-მუშისთვის. ამან მეტად აღელვა
ყველა მუშები, გარდა სომხებისა, — და კიდეც გაფი-
ცვა გამოაცხადეს. მუშა სომხები არ შეუერთდნენ
ვაფიცულებს და ოპოზიცია შეადგინეს, რომელიც
ჩქარა გაფიცულებისადმი აშკარა მტრობათ გადაიქცა.

მოწინავე მუშებმა სთხოვეს ბაქოს კომიტეტს, — გა-
მოეშვა ამის შესახებ ფურცელი. ფურცელი მართლაც,
გამოსცეს. მასში განმარტებული იყო მუშების მო-
თხოვნა და გაცხრით ააშკარებდნენ იმ ორი მუშის
სამუშაოს და სხვა. პროკლამაციის ბოლოში იყო
მოწოდება მუშა სომხებისადმი, რომელთაც იწვევ-
დნენ დანაჩენ მუშებს შეერთებოდნენ. მაგრამ, ამ
მოწოდებას არავითარი შედეგი არ მოჰყვა; გაფიც-
ვა განაგრძო მხოლოდ მუშების ერთმა ნაწილმა, ან-
ტაგონიზმი მუშებში კი უფროდა უფრო გაძლიერდა.

ამ გვარ მდგომარეობაში მოსალოდნელი იყო მე-
ტაკება. აი, ამ დროს გამოვიდნენ სცენაზე მშვი-
დობიანობის დარაჯნი, დააყენეს ფაბრიკის გარე-
შე დარაჯები, შიგ შეყარეს მთელი როტა და ფაბ-
რიკა ნამდვილ საპყრობილედ გადაიქცა! მოვიდა
თვითონ ფაბრიკის ინსპექტორი და მოახდინა ფა-
რული კენჭის ყრა, რათა გამოერკვია, მართლა,
მუშების უმრავლესობა ემზრობა თუ არა გაფიცვას.
მართლაც, უმრავლესობა გაფიცულების მხარეზე
დარჩა, მაგრამ ის რარი მუშა მაინც არ დაითხოვეს.
როცა მეთაურებმა დანახეს, რომ ფაბრიკა განაგ-
რობს მუშაობას სომეხ მუშების წყალობით, გადა-
სწყვიტეს შემდეგ კომპრომისზე (დამოძახებზე) წასუ-
ლიყვნენ: 1) დატოვებულ იქმნას ის ორი მუშა, მი-
ტომ კი არა, რომ მუშები იმათ ურიგდებიან, არა-
მედ მხოლოდ მტომ, რომ მათ არ სურს ნაციო-
ნალური ქაშის გამწვავება; 2) სამაგიეროდ მიღე-
ბულ იქმნას 8 მუშა, რომელნიც უწინ დაითხოვეს.

ადმინისტრაცია დასთანხმდა შეესრულებინა ეს
მოთხოვნები. მაგრამ, უფრო სთქვა გაფიცვის
დროს ნახევარ ჯამაგირის მეტის მიცემაზე. მუშებ-
მა განაგრძეს გაფიცვა და ითხოვდნენ ყველა თა-
ვისი მოთხოვნილებების ასრულებას. აი, აქ კი-
დეც უფრო გამოაშკარავდა ნაციონალური პროპა-
განდას საზიზღარი შედეგები, რომელთაც ძლიერ
დააბნელეს პროლეტარიატის კლასობრივი შეგნება.
მუშა სომხები წინააღმდეგდნენ იმას, რომ გაფიცულე-
ბისთვის გაფიცვის დროს ჯამაგირი მიეცათ.

მაშინ, გადასწყვიტეს ამოერჩიათ თვრამეტ-თვრა-
მეტი კაცი მოპირდაპირე მხარეებიდან და მოლაპა-
რაკება დაეწყოთ. სამუშაოთ, კომიტეტის წარმო-
მადგენელი შემთხვევით ვერ მოვიდა კრებაზე; მის
მაგიერ მოვიდა ვილაც, „უმცირესობის“ ადგილობ-
რივი ჯგუფდნ. მოლაპარაკების შედეგი ასეთი
იყო: სომხები თხოულობდნენ, რომ გაფიცულებს
მუშაობა დაეწყოთ, ორი კვირის შემდეგ-კი გაენა-
ხლებიან თავისი მოთხოვნები და მაშინ ისინიც
(სომხები) გაუწევენ დახმარებას. 10 საათის მოლა-
პარაკების შემდეგ, შეიმუშავეს საერთო მოთხოვნები
და წარუდგინეს მეფაბრიკეს.

1) მიეცეს გაფიცულებს გაფიცვის დროს ჯამა-
გირის ნახევარი. 2) მუშების დათხოვის დროს მე-
ფაბრიკემ მისცეს მუშას ერთდროულად ფული არა

ნაკლებ 100 მანეთისა, თუ მას წელიწად ნახევარი უმსახურია; 3) რადგან ფაბრიკაში უთანხმოება თათრებსა და სომხებს შორის გამწვავდა და შეტაკება მოსალოდნელი გახდა, მუშებმა გამოსთქვეს სურვილი გაჩხრეკის შემოღებისა, იმ პირობით-კი, რომ გაჩხრეკენ თვითონ მუშები.

ასე გათავდა გაფიცვა, გასტანა 8 დღე; არა-ვინ დაუტერიათ, — მხოლოდ, რაღაცნაირ შთაბეჭდილების გავლენის ქვეშ განაფიცავი მუშები ათობით ანებებენ თავს ფაბრიკას.

აქ უნდა დავუმატოთ შემდეგი: დროშაისტებმა, როცა დაინახეს ასეთი შედეგი გაფიცვისა და დარწმუნდნენ, რომ ის ორი მუშა რჩება ფაბრიკაში, პროტესტი გამოაცხადეს რაიონული კომიტეტის ფურცლის წინააღმდეგ, რომელშიც დამოხილი იყო იმ მუშების ქცევა. დანიშნეს სამედიატორო სამართალი, რომელმაც გადაწყვეტილება უკვე მიიღო.*)

ასახადი. კიდევ ერთი მსხვერპლი შეიწირა საზოგადოებრივი თვითმპყრობელობამ! დაუფიქსარი ჩვენი ამხანაგი ლ. ლ. სტაბროვსკის სიკვდილით, რომელიც ადგილობრივ გიმნაზიის მასწავლებლათ იყო და სოციალიზმის იდეებს ამ განაპირა ქვეყნებში ავრცელებდა, ჩვენ დავკარგეთ საყურადღებო ძალა. ის ამ წლის 10 იანვარს დაიჭირეს თავის სახლში. თუმცა მას გაჩხრეკის დროს ვერაფერა ვერ უპოვნეს, მარა მაინც კარგა ხანს სტანჯავდნენ საპყრობილეში მას, უსამართლო სასამართლოს გარდაწყვეტლების მომლოდინეს! მას მიუსაჯეს სამი წელი ციხეში ყოფნა, მხოლოდ იმ ცნობების მიხედვით, რომელიც ყოვლად ძლიერ „ოხრანა“-ს თავის „შპიკების“ შემწეობით ქონდა შეკრებილი. მარა, ეს კიდევ ცოტაა. საზოგადოებრივი თვითმპყრობელობის მხედრმა პოლიციურმა ძალამ არ „კმარა მისთვის ეს დასჯა და 14 ივლისს მოწამლა და უდროვით სამარე გაუთხარა ჩვენს ძვირფასს ამხანაგს! რასაკვირველია, ჩვენმა ამხანაგებმა, რომელნიც მთავრობის ასეთი მოქმედებით აღშფოთებული იყვნენ, მეტი ვერ მოითმინეს და დამარხვის დღეს დემონსტრაცია მოახდინეს. უცებ გაისმა „კამანდა“ — „ესროლეთ“, — „ო! თოფები უტყვიოთ ყოფილიყო დატენილი მარა, თავზარდაცემულ ხალხმა კუბო მაინც ხელიდან გაუშვა და თავ შესაფარს ეძებდა ის. ეს „ინციდენტი“ ციხესთან მოხდა, სადაც ერთი ჩვენი ამხანაგთაგანი სიტყვას ამბობდა. ჩქარა დამშვიდებულმა ხალხმა სასაფლაოსკენ განაგრძო გზა. აქ ისევ პოლიცია გაერია და ნება არაღის მისცა დაუფიქსარი ამხანაგისთვის ეთქვათ უკანასკნელ გამოსამშვიდობელი სიტყვა. მარა, ერთი ვიკითხოთ: — როდემდის განაგრძობს თავის ასეთ მხეცობას ეს სულთმობრძავი საზოგადოებრივი თვითმპყრობელობა?!

ბაჟანები. ივნისის თვეში აქ დემონსტრაცია მოხდა, და კარგათაც ჩაიარა; კიდევ მოხდებოდა. სალდათები რევოლუციონურათ აღძრულ არიან; ისინი ხალხს ამხნევენ ამ სიტყვებით! „ნუგეზინიანთ! ჩვენ თქვენ არ შეგეხებით. მუშებს შეუერთდით და გასწით ერთად წინ!“ 26-ივლისს აქ სალდათების დემონსტრაცია იქნება; დემონსტრაციაში მონაწილეობის მისაღებათ 1200 სალდათი ემზადება. შეიძლება, დემონსტრაცია „მემკვიდრის“ დაბადების

*) ამ გარდაწყვეტილებას ებეჭდათ ამავე ნომერში (ნახე ანა: პარტიიდან):

დღეს, ე. ი. 30 ივლისს მოხდეს...

როგორც ხედავთ, არეულობა აქ ჯარსაც მოედო. რაც ამ მოკლე დროს განმავლობაში სხვა-და-სხვა ჯგუფის სალდათების-მიერ არა-ერთხელ გამოცხადებულ „პროტესტებით“ გამოიხატა. ამგვარ გაცნობებში იმ „ხრონოლოგიურ“ წესრიგზე, როგორც მოხდა.

— 17 მაისს ერთმა ბატარეამ უარი განაცხადა თავის ზურგით აირაღები ეთრიათ; განზრახვა ქონდა აფიცრის მოცემა.

— 21 მაისს ხოლისენის ბატალ. სალდათებმა ქვაბებიდან გადმოღვარეს საქმელი, როგორც უფარგისი.

— 25 მაისს ესევე ჩაიდინეს თურქესტანის ბატალიონის სალდათებმა; შემდეგ სამხარეულო დაანგრის და 3 დღე საღილი არ მიუღიათ. პროტესტი განუცხადეს კამანდირს „სიმკაცრის“ წინააღმდეგ (იმისი წყალობით დისციპლინარულ ბატალიონში 8 კაცი სალდათი გაიგზავნა).

— 26 მაისიდან თურქესტანის სამხედრო-სატელეგრაფო როტის სალდათებს 4 დღე ვახშიში არ მიუღიათ; ყრილობაზე სალდათები გაზეთ „რუს“-ს კითხულობდნენ, — სტატიას — სალდათების ყოფაცხოვრების შესახებ. „ურას“ იძახდნენ, და „დუბინუშკა“ და „მარსელიეზას“ მღეროდნენ. ერთ დღეს, „პოვერკის“ შემდეგ, სამხარეულო დაანგრის, ქვაბები დაამტრის, ტელეფონის მავთულები დასწყვიტეს და შემდეგი მოთხოვნები გამოიმუშავეს: 1. საქმლის გაუმჯობესება, 2. „პურის“ ფულების მოცემა, რომელნიც თებერვლის, მარტის და აპრილის თვეებში არ მიუღ ათ სალდათებს; 3. „ბარაკების“ ამენება; 4. პერანგების მოცემა 5. ქალაქში თავისუფლათ დათხოვნა; 6. ინჟინერ-კაპიტან ღუვანოვისა და პორუჩიკი ხელიტინსკისაგან ზრდილობიანი მოქცევა და 7. „პოდოშევის“ მოცემა. ყველა ამ მოთხოვნების დეკლარაციებამდე მათ სამუშაოდ წასვლაზე უარი განაცხადეს.

— 27 მაისს გენერალ კრიენიციკომ ყველა მოთხოვნათ აღსრულება აღუთქვა. ერთი თვის შემდეგ ფელდფელის სოლოფონიკოვი 4 სალდათით და 6 უნტერ-აფიცრებით გაიქცნენ. მათ პროკლამაციების გავრცელება ზრდილობათ.

— ივნისის პირველ რიცხვებში კასპიის იქითა მხრის 1-მა და 2 ბატალიონმა უფროსების დამორჩილებას უარი განაცხადეს. მათ „ვინტოვკები“ და რევოლვრები „წაართვეს.“ მე-3 როტია მე-3 ბატალიონის აფიცრის მოკვლა მოინდომეს.

— 1-ლი თურქესტანის მსროლელი (стрелковый) ბატალიონმა ქვაბებიდან საქმელი გადაღვარეს; ყველა სალდათებმა საქმლის მიღებაზე უარი განაცხადეს.

— სატელეგრაფო როტის 2 ბატალიონი „სტრელკებისა“ და „ასი“ ორენბურგის საყაზახო პოლკის კაზაკები 2 კვირის განმავლობაში ყარაულობდნენ. ხმები, — რომ სატელეგრაფო როტაშიაც იგივე ამბები დატრიალდა, რაც ჯარის სხვა ნაწილებში. საზოგადოთ, ჯარის ყველა ნაწილებში ძლიერი არეულობა ეტყობა.

სა ლ და თ ი.

საზოგადოებრივი თვითმპყრობელობა.

იტალია. იტალიის რკინის გზები კერძო კაპიტანებს ეკუთვნის, რომლებიც საშინლათ ყველგან მუშებსა და სხვა მოსამსახურეთ. რკინის გზის მოსამსახურეებისა და მუშების ხანგძლივმა და ფარულმა

ბრძოლაში აიძულა ჯიოლიტის სამანისტრო — შეიტანა პარლამენტში კანონ-პროექტი, რომ რკინის გზის ერთნაწილი სახელმწიფოს გამოეყიდნა. მაგრამ ბურჟუაზიის მინისტრმა, რომელიც რკინის-გზის აღდგენის პერსონალის დაშოშმინებას ლაშობდა, შეეტანა პროექტში § 71, რომლითაც გაფიცვის სისხლის სამართლის დანაშაულათ სცნობს და დამნაშავეს სჯის 6—12 თვემდის დაპატიმრებით ამითი მან საზაბი მისცა აღშფოთებულ პროლეტარიატს ბრძოლისათვის მომზადებულიყო. 12 თებერვალს აგიტაციონური კომიტეტის მოწოდების თანახმად მუშებმა და მოსამსახურებმა ობსტრუქცია მოახდინეს იტალიის ყველა გზებზე; მთავრობას არ შეეძლო „აღედინა წესრიგი“, მიტომ, რომ ობსტრუქცია, რომელმაც დებორგანიზაცია შეიტანა რკინის გზის მოვლის მექანიზმში, მდგომარეობდა მხოლოდ... რევოლუციის სისწრაფით აღსრულებადში. ამ მოძრაობამ, აუარებელი ზარალის გარდა, გამოიწვია ჯიოლიტის სამინისტროს დაცემა; ობსტრუქციონერები-კი, მჟელი იტალიის პროლეტარიატის თანაგრძნობით გამაგრებულნი, ელოდნენ პარლამენტის ამა თუ იმ გადაწყვეტილებას. ახალი მინისტრი ფორტისის ეშპაკურმა ოინმა დიდხანს არ დაიგვიანა. ფორტისმა ამოშალა § 71 ჯიოლიტის კანონ-პროექტიდან, მაგრამ მის მაგიერ შეიტანა ახალი § 17, რომლითაც ის რკინის გზის ყველა მუშებს და მოხელეებს სახელმწიფო მოსამსახურეებათ აცხადებდა და ამითი მათ სისხლის სამართლის დებულების მეორე უფრო სასტიკს სტატიას უქვემდებარებდა. ახალი მინისტრის გულუბრყვილობა სწორეთ იმაში მდგომარეობდა, რომ ის იტალიის პროლეტარიატს სთვლიდა გულუბრყვილოდ, და, მართლაც, ახალი ოინბაზი-მინისტრი სულაც არ სრუნავდა მუშების მდგომარეობაზე და მთავრობისთვის უფრო მზერებულ კანონს ამხადებდა. თუ ცაეში ათი და ასი ათასი გაფიცული მუშის ჩამწყვდევა შეუძლებელია, ჯარიმის დადება 500—3000 ფრანკამდე ხომ სულ ადვილია და მასთან დამუქება სამსახურიდან დათხოვის შესახებ! რასაკვირველია, ამის შემდეგ აგიტაციონურ კომიტეტს უკანასკნელი იარაღი-ღა დ რჩა და მანც გამოაცხადა გაფიცვა, რომელიც ნდღე გაგრძელდა, მუშებისთვის მეტათ ცუდ პირობებში. გარდა იმისა, რომ ორგანიზაც. ვერ იყო საფუძვლიანათ მოწყობილი, გაფიცულებს არ თანაუგრძნობდა დემოკრატიის ფართონაწილები; პირიქით, შეშინებული ბურჟუაზია რადიკალებთან ერთათ თხოულობდა პროლეტარიატის შეუბრალებლათ დასჯას. მთავრობამ, რასაკვირველია, ისარგებლა საზოგადოებრივი აზრით და სამხედრო ძალა იხმარა: მან დაანთხია გაფიცულების სისხლი დაბა ფრეში და შემდეგ მიიღო კანონ-პროექტი, რომლითაც მუშები სახელმწიფო სამსახურში გადაიყვანა და მით, გაფიცვის უფლება სრულებით წაართვა. ერთი სიტყვით, იტალიის მთავრობამ თავისი სახელმწიფოში გადაიტანა რუსეთის წესები, რომელსაც ასე გამოუღოთ ებრძვის რუსეთის პროლეტარიატი. მაგრამ, ბურჟუაზიული მთავრობა ამით მაინც ვერ ილდესასწაულებს გამარჯვებას. ვერავითარი ძალა ვერ შეაჩერებს განვითარების ბუნებრივ მსვლელობას და იტალიის რევოლუციონური ენერგია ააფეთქებს და მოსპობს ბურჟუაზიის-მიერ აღმართულ კედლებს, თუ კი პროლეტარიატმა კანონიერების ფარგალში გამოსავალი გზა ვერ იპოვა.

გერმანია. გერმანიის პროფესიონალურ კავშირთა მეზუთე კრებამ, რომელსაც მაისის უკანასკნელ რიცხვებში ჰქონდათ სხდომები, ბრწყინვალეთ დაამტკიცა პროფესიონალურ ორგანიზაციების ცხოველყოფილობა. წევრების რაოდენობის არაჩვეულებრივი ზრდა და კასის ანგარიში მკერმეტყველათ ამტკიცებს პროლეტარიატისთვის პროფესიონალურ ორგანიზაციების აუცილებლობას და საჭიროებას. ცხადია, თუ როგორ უსაფუძვლოა ექვიანობა პროფესიონალურ ორგანიზაციების სარგებლობის შესახებ. მაგრამ, უნდა შევნიშნოთ, რომ კავშირების აყვავებას ამ შემთხვევაში არასასურველი მხარეც ახლდა. ამ უკანასკნელმა თავი იჩინა კრების მოქმედებაში, რომელსაც წითელ ზოლივით გავლებული ჰქონდა ტენდენცია (მიდრეკილება) „წმინდა ეკონომიკისაკენ.“ ამას შედეგათ ის მოყვა, რომ კრების წევრები ორ მოპირდევით ჯგუფათ გაიყო და ერთმანეთს შეეტაკა სხვა-და-სხვა კითხვების-გამო. განსაკუთრებით, საინტერესოა დებატები მასიურ პოლიტიკურ გაფიცვების შესახებ, რომლის დიადი მნიშვნელობა საერთაშორისო სოციალდემოკრატიის ყველა გამოჩენილმა მეთაურმა შეიგნა. რეფერენტატმა კითხვის შესახებ გამოვიდა ვინმე ბემელბურგი, — თან-და-თანობითი განვითარებისა და „ფართო მასის თვითმოქმედების“ მომხრე. მისი სიტყვა, რომელმაც გაუთავებელი ტაშის-ცემა გამოიწვია, უსირცხვილოდ ემაგვიტო იყო გაჟღენთილი. პოლიტიკური გაფიცვის პროპაგანდა მან უაზრო და საშიშარ საემედ სცნო, ხოლო იმ მწერლებს-კი, რომელნიც იმათ სარგებლობას „წინაუბედავათ“ ურჩევდნ, თუნდაც საყოველთაო არჩევის უფლების წართმევის დროს, მან პროფანები და მუშათა კლასის მტრები უწოდა, მხოლოდ იმიტომ, რომ მათ გადაჰყავთ მოძრაობა თანდათანობითი განვითარების გზიდან, რომელიც რეფერენტას აზრით, ვითომდა საბოლოო მიზნის მიღწევის გარანტიასაც იძლევა. ერთი სიტყვით, ზომიერება, კანონიერება და სიფრთხილე, — აი ოპორტუნიზტი ბემელბურგის შეხედულებით, — სოციალისტური წესწყობილების განხორციელების აუცილებელი პირობები. ასე თუ ისე, „ცეხოვიკებმა“ (ვიწრო პროფესიონალისტებმა) გაიმარჯვეს პოლიტიკებზე; კრების უმრავლესობა იმავე აზრს იდგა, როგორისაც იყო ეს ორატორი და უკანასკნელის რეზოლიუცია თითქმის ერთხმად მიიღეს, მაგრამ, „ცეხოვიკები“ კიდევ უფრო შორს წავიდნენ: მათ უნდოდათ პროლეტარიატის საერთაშორისო დღესასწაულისთვის მისი დემონსტრაციული ხასიათი წაერთმიათ და ამისათვის წინადადება შემოიტანეს პირველი მაისის დღესასწაულობა გადაეღოთ მუშაობიდან მოკლბლ დროისათვის. მაგრამ, ამას წინააღუდგა ბევრი ორატორი და რეზოლიუცია უკან წაიღეს. აი, რა უაზრობამდის მიდის მუშათა მოძრაობა, რომელიც სტიქიურათ ვითარდება და რევოლუციონური ს. - დეპ. ხელმძღვანელობას მოკლებულია! შეგნებული პროლეტარიატი, რომელსაც არ უნდა ოპორტუნიზტებისა და ბურჟუაზ. გაგლენის ქვეყოფნა, ამ გაკვეთილებით ისარგებლებს*) და ეცდება აუხვიოს მხოლოდ წმინდა ეკონომიურ ბრძოლის გზას. ჩვენ ღრმათ დარწმუნებული ვართ, რომ პრო-

*) არც ჩვენ „მუშემკრესეებს“ აწყენთ, რომ ამ ფაქტს ჩუკვირდნ და წაღმა-უკულმა არ გაჰყოფდნ, — მუშათა მოძრაობა თავისთავათ სოციალისტურიაო. რედ.

დებარატი მთელი კლასის ინტერესს, მუშების ამა თუ იმ ჯგუფის ან წრის კერძო ლტოლვილს. არ შესწირავს.

პროლეტარიატი.

ჩვენ მივიღეთ შემდეგი გარდაწყვეტილება და რეზოლუციები.

ბაქოდან. გარდაწყვე. სამედიტარო სასამართლო. მირზაბეგიანის ფაბრიკის მუშები — ბაგდასარ ნერსესიანი და ოპანენა დავთიანი ქაღალტის რაიონული კომიტეტს ბრალს სდებენ იმაში, რომ ამ უკანასკნელმა მის-მიერ 11 ივლისს № 89-თ გამოცემულ მოწოდებაში სახელი გაუტება მათ. სასამართლომ დაადგინა: 1) ნერსესიანის და დავთიანზე ბრალის დადება იმის შესახებ, რომ ისინი ჯაშუშ-პრავეკატორები და „თავისი-გამყიდველები“ არიან — უსაფუძლოა და უსამართლო; 2) მოწოდების საზოგადო კილო და მასში ხმარებული საგინგებრი სიტყვები გადაჭარბებული და უადგილოა; 3) თუმცა ზემოთ-მოხსენებულ მოწოდებაში წინათ-განძრახული პრავეკაციის ნაშანწყალიც არ არის, მარა რაიონულ კომიტეტმა მანც დაარღვია უსსპირაცია და შეუფერებლათ მოექცა ნ-ს და ტა-ს, როგორც დროშაკისტების პარტიის ცრუ ან ნამდვილ წევრთ; 4) რაიონულ კომიტეტს მოწოდებაში მოხსენებული ბრალდება-კი არ შეუთხზავს, არამედ ამ უმჯობესეში ის დაემყარა ცნობებზე, რომელიც (თანახმათ რაიონული კომიტეტის წარმომადგენლის ჩვენებისა) შეკრებილიყო მირზაბეგიანის ფაბრიკის მუშათა ყრილობაზე, სადაც 30 კაცი დესწრო; 5) ნ-ის შესახებ ამ 30 მუშებზე უფლება ქონდათ მისი ჯაშუშობა-პრავეკატორობა შეეკვი ადგოთ, ამ სიტყვის იმ მნიშვნელობით, რომ ის ფაბრიკის ადმინისტრაციის „ენათანია“ იყო; 6) იმავე 30 მუშებს უფლება ქონდათ ეცნოთ ნ. და დ. მთელი მუშათა საკმის მაინებელ და საშინარ კაცებად, მუშათა ინტერესების გამცემლებად, დეზორგანიზატორებად მუშათა შეერთებულ ბრძოლისა ხაზგდებთან; 7) რაიონული კომიტეტის მოთხოვნა, რომ ნ. და დ. განდევნილიქმნეს, როგორც მუშათა საკმის მაინე პირნი „რომელნიც მუშებს ხელს უშლიან იტხოვრონ და იბრძოლონ“ საჭუქელიანია *).

იმერეთ-სამეგრელოს კომიტეტისაგან.

რაჭა-ლეჩხუმის საზაიონო ორგანიზაციის რეზოლუცია. ორგანიზაციის ხელმძღვანელმა ერთმა მისმა წევრმა წინადადება შემოიტანა, რომ ორგანიზაციამ თავისე „აზრი გამოთქვას“ „უმცირესობის“ ორგანოს „სოციალდემოკრატიის“ მე. № 3-ში (ქართულთ გვ. 19). მოთავსებული რომელიც რაჭა-ლეჩხუმის სოციალდემოკრატიულ ორგანიზაციის რეზოლუციის შესახებ. ორგანიზაციამ, რომელსაც დაესწრო 8 წევრი, წინადადება განიხილა და დაადგინა:

1) ეცნობოს იმერეთ-სამეგრელოს კომიტეტს, რომ არც რაჭასა და არც ლეჩხუმში არ არის სხვა მეორე ორგანიზაცია, გარდა ჩვენისა; 2) ბეჭდითი-ლიტერატურის გამოცხადოს ჩვენი გულისწყრომა მოხსენებულ რეზოლუციის უცნობ ავტორს იმისათვის, რომ მან ასე წარმეყუხრებლათ მიითვისა ორგანიზაციის „ტიტული“ და ამ (ფიქტიურ) ორგანიზაციის ფირმის ქეშ ამოფარებული ბოროტათ სარ-

*) ნაწე კარესპოდ. ბაქოდან ამავე №-ში, რედ.

გებლობს „სოციალდემოკრატიის“ რედაქციის ნდობით: 3) რჩევა მიეცეს „სოციალდემოკრატიის“ რედაქციას, — არ ენდოს მაგისტრანა „ვინგინდარას“ და ორგანოში მაგვარ „შეთხუთ“ რეზოლუციებს ნუ ბეჭდავს; 4) წინადადება მიეცეს იმავე „სოციალდემოკრატიის“ რედაქციას — მახლობელ ნომერში ეს ჩვენი დადგენილება მოათავსოს *).

ხილისთავი (გურია).

18 ამხანაგის რეზოლუცია.

მივიღეთ-რა მხედველობაში, რომ გაზეთ „სოც.-დემოკრატმა“ კაუტსკის წერილის ზოგიერთად-გილების გოდმობეკდით (იხ. „სოც.-დემ.“ № 4) სრულიად დაამახინჯა მთელი წერილის შინაარსი, — ჩვენ, თვრამეტი ამხანავი, წინადადებას ვაძლევთ „პროლეტარიატის ბრძოლის“ რედაქციას ახლო ხანებში გამოსცეს მთელი წერილი კაუტსკისა (თუ შეუძლება ახსნა-გარკვევით) და მით აღადგინოს მისი ნამდვილი შინაარსი.

ჩოხატაური (გურია).

50 სოფლის მუშების რეზოლუცია.

ჩვენ ჩოხატაურის სოფლის მუშებმა, რიცხვით 50, მოვისმინეთ-რა კამათი უმრავლესობა „უმცირესობის“ შორის, დაერწმუნდით, რომ „უმრავლესობა“ უფრო სასწორით იცავს პროლეტარიატის ინტერესებს, ვინც „უმცირესობა“. ამიტომ გადაწყვიტეთ ჩამოგმოკდეთ „უმცირესობის“ ორგანიზაციას და ცალკე ორგანიზაცია მოვეწყოთ.

ხილისთავი (გურია).

ერთ კრებაზე 46-მდე სოფელმა ახალგაზღვრებმა მიიღო შემდეგი რეზოლუცია: ჩვენ ხილისთავის სოფლის მცხოვრებლებმა მოვისმინეთ რამდენჯერმე კამათი „უმრავლესობისა“ და „უმცირესობაზე“ და ვსცანით, რომ სიმართლე „უმრავლესობისკენაა“, ამიტომ გავშირს ვსწყვეტო „უმცირესობის“ ორგანიზაციასთან და ცალკე ორგანიზაციათ ვეწყობით*.

ჩვენ გვთხოვენ ამხანაგები გამოვაცხადოთ: იმერეთ-სამეგრელოს კომიტეტის ხელშეწყობით, ივლისის პირველ რიცხვებში ქუთაისის ციხიდან გაიქცნენ ამხანაგები თელია და ჩხაიძე.

განცხადება „პროლ. ბრძ.“ რედ.

ჩვენ მივიღეთ თელიის „მეუმცირესეთაგან“, რომელთაც მე-III კრების შესახებ მოხსენება მოისმინეს, წერილი. ამ №-ში მისი მოთავსება ვერ მოვასწართ.

უმცოდნის გასწორება.

„პროლეტარიატის ბრძოლის“ № 9-ში გვერდი მე-5, სვეტი მე-2, ქვემოლან მე-7 პუნქტში დაბეჭდილია: „სამიმეოთხედ, — უნდა იყოს „ორი მესამედი“ მე-7 გვერდი, მე-2 სვეტი, ზემოლან მე-14 პუნქტ. დაბეჭდილია: „თითქმის 20“, — უნდა იყოს „თითქმის 21“. ამავე გვ., მე-2 სვ., ქვემოლან მე-12 პუნქტ. გამოჩნეილია ერთი კომიტეტი, — დაბეჭდილია: „საბრატოვი, რიგა“, — უნდა იყოს „სარატოვი, სამარა, რიგა“, მე-10 გვ., პირ. სვეტი, ქვემ. მე-15 პუნქტ. დაბეჭდილია: „რაკი პირველში მონაწილეობის“, — უნდა იყოს: „რაკი მეორეში მონაწილეობის“. იმავე სვეტში, ქვემოლან მე-13 პუნქტში დაბეჭდილია: „რომ მეორესაც შორს“ უნდა იყოს: „რომ პირველსაც შორს“.

*) აი, რა ნაირათ ატოვებს „წევრთ“ „პარტიაში“ და „რაგვარ“ ახალ „ორგანიზაციებს“ აჩენს ჩვენი „უმცირესობა“! იბჭონ ამაზე თვით დონტერესე უღმა მკითხველებმა! ჩვენგან-კი კამენტარიები მეტია! რედ.